

儀

禮

正

義

儀禮正義卷十二

鄭氏注

受業江寧楊大培補

主人洗升獻大夫于西階上大夫升拜受觚主人拜送觚

大夫坐祭立卒爵不拜既爵主人受爵大夫降復位既盡

拜之者疏正義曰敖氏云主人洗升不言酌散者可知也

禮又殺疏大夫升拜拜位亦如獻賓郝氏云不祭脯醢至

終燕脫履升席而後祭也降復位反堂下北面東上之位

也吳氏廷華云大夫未獻故於此獻之不敢先卿獻也

注云既盡也不拜之者禮又殺也者賈疏云前卿受獻不

酢已是禮殺今大夫受獻不但不酢又不拜既爵故云禮

又殺張氏爾岐云自此下至樂正告公主人獻大夫未及

旅而樂作獻工後乃舉旅旅已奏笙閒歌合樂爵樂更作

以成三旅禮又殺而樂大胥薦主人于洗北面脯醢無

備所以致和樂之情也

胥胥膳宰之吏也主人大夫之下先大夫薦疏正義曰注

之尊之也不於上者上無其位也胥俎實疏云胥膳宰

之吏也者李氏如圭曰胥庶人在官爲什長者薦羞者皆膳宰知胥膳宰之吏也云主人大夫之下先大夫薦之尊之也者釋官曰主人以膳宰爲之是士注云大夫之下正明其士耳大射注云主人下大夫也謂主人之爵下於大夫也吳氏廷華云禮有一時並行者主人自獻大夫胥自薦主人一時並行故經特載之獻大夫之中文雖若有先後其實並行無所謂先後也褚氏寅亮云薦主人不於賓酢時者公未獻也不於獻卿時者爵卑於卿也薦於獻大夫時者亦大夫也同爵而先薦者則如經所云尊之也於此經而知主人之爲大夫也益決旣是大夫而注云上無位者堂上非本無位也案大射儀注云辟正主故不薦於上不薦於上則上無其位矣其始也與大夫同立中庭北面之位至從賓升階後則遂定位於洗北非至薦時方易位也集說亦誤云不於其上者上無其位也者張氏爾岐云此主人是宰夫代君爲獻主君在阼階上則已不得干正主之位而薦之堂下故云上無其位也敖氏云宰夫士也先大夫薦之者以其爲主人異之也不於賓酢而薦之者以其爵本賤也宰夫之位本在西方亦以其爲主人故至是而薦之於洗北因使之易位焉其意與卿大夫士旣而易位者同洗北於正主阼階東之位爲近主人居之

亦宜也薦西面主人在其東也盛氏云宰夫天子以下大夫爲之在諸侯當爲士也天子膳夫爲獻主膳夫亦是上士敖說得之云晉俎實者賈疏云晉者升也升特牲體於俎故云俎實也敖氏云無晉者賤也自卿已下已無晉矣乃於主人見之者嫌其辨獻大夫遂薦之繼賓以西東上與賓行禮或當有之

**辨獻大夫遂薦之繼賓以西東上**

偏獻之乃薦略賤也疏正義曰注而後布席校勘記云後亦獻而後布席也徐葛陳閔監本集釋通解俱作后

○賈疏云凡大夫升堂受獻後獻訖卽降獻徧不待大夫升遂薦於其位大夫始升故言遂也注云徧獻之乃薦

略賤也者對上卿與賓得獻卽薦爲貴也方氏苞云自大

夫以下皆徧獻後同薦省其節以便事也隨獻而薦則費

時多矣云亦獻而後布席也者敖氏云辨獻乃布席布席

然後薦是皆變於卿者也繼賓以西東上言其薦之次也

其席亦如之主人辨獻大夫則降奠爵於篚而立於洗北

之位褚氏寅亮云辨獻乃布席布席乃薦之經言卿席設

於賓左大夫繼賓以西則賓西無卿與大射禮異孔氏穎

達燕義疏謂小卿在賓西者非主人辨獻大夫方有事安

得遽薦之經雖言於辨獻大夫之前實待一一獻訖乃薦

主人不過在布大夫之席之先耳盛氏云繼賓以西若鄉

射三賓之位然從其類也賓東之席惟卒射人乃升大夫

大夫皆升就席

疏

正義曰校勘記云皆下唐石經徐本集

文提要云前主人洗升節疏述經起訖云自此盡皆升就席明有升字案大射亦有升字

### 右主人獻大夫兼有胥薦主人之事

席工于西階上少東樂正先升北面立于其西

工瞽矇歌

也凡執技藝者稱工少牢饋食禮曰皇尸命工祝樂記師

乙曰乙賤工也樂正於天子樂師也凡樂掌其序事樂成

則告

疏

正義曰敖氏云樂正先升變於射禮也北面立于

備其西亦與大射儀樂正立于西階東之文互見也

方氏苞云燕與鄉飲酒樂正先升大射則後工而升何也

此二禮笙入閒歌合樂備舉而後樂正告樂備故先升以

示竝監堂上下之樂也大射惟歌鹿鳴故樂正從工師而

升旋隨而降以監下管禮略故其辭亦略也鄉射惟合樂

而樂正先升卒告樂備何也鄉大夫與賢能故笙歌間歌

左備舉以厲羣士州長教射則但舉鄉樂而鄉之正歌亦

可云備矣若大射則國政也禮宜備樂而射事殷繁工歌  
鹿鳴管惟新宮故不得告樂備耳褚氏寅亮云所主爲燕  
者或卿或大夫不定故必辯俟其升席後乃以樂樂之禮  
之序也○注瞽矇校勘記云矇嚴鍾葛本俱从目徐本誤  
从月云工瞽矇歌諷誦詩者也凡執技藝者稱工又引  
少牢饋食禮與樂記者瞽矇諷誦詩本於周禮執技藝見  
於王制釋官云鄭引周禮瞽矇解爲瞽無目者引王制少  
牢解稱工之義引樂記證師與工亦通稱國語工史書世  
韋注工瞽師官也左傳工誦箴諫孔疏云儀禮通謂樂人  
爲工工亦瞽也樂官必以瞽矇爲之取其精於音聲周禮  
大師小師爲瞽矇官之長左傳屠蒯酌以飲工而檀弓云  
曠也大師也則是大師以下通謂之工也云樂正於天子  
樂師也凡樂掌其序事樂成則告備者釋官曰周禮無樂  
正而見於禮記王制文王世子者有大樂正小樂正文王  
世子云小樂正學干注小樂正樂師也孔疏云諸侯謂之  
小樂正天子謂之樂師此有大樂正及小樂正周禮有大  
司樂有樂師故知小樂正當樂師也但此經多有諸侯之  
禮故謂之大樂正小樂正也今案文王世子所記多文王  
以前爲諸侯事周公制禮別立大司樂樂師爲天子之官  
而以樂正爲諸侯之職故此經燕射諸篇竝言樂正而不  
言樂師

言樂師王制陳天子諸侯之禮故亦言大樂正小樂正也周禮大司樂樂師同官諸侯樂正兼彼二職小樂正當天子樂師則大樂正當天子大司樂也大射禮重有大樂正監其事故特言小樂正告樂備以別之燕禮輕無大樂正故不言小其實亦小樂正以周禮樂成皆備使樂師不使大司樂又饗會諸侯序其樂事燕射帥射夫以弓矢舞皆樂師掌之知諸侯燕禮亦使小樂正也周禮大射王出入令奏王夏及射令奏騶虞皆大司樂掌之知諸侯大射雖小樂正告樂備亦當有大樂正監之也樂正掌教國子及造士其職較尊周禮大司樂中大夫二人樂師下大夫四人諸侯之官降天子一等大樂正當下大夫爲之小樂正當上士爲之又案鄉飲鄉射二篇樂正不言小亦小樂正可知以大射特言小樂正從之則知前三篇升堂者皆小樂正也但對大樂正則稱小不對大樂正則小樂正亦通言樂正例在

大射小臣下

小臣納工工四人二瑟小臣左何瑟面鼓

執越內弦右手相入升自西階北面東上坐小臣坐授瑟

乃降

工四人者燕禮輕從大夫制也面鼓者燕尚樂可鼓者在前也越瑟下孔也內弦弦爲主也相扶工也後

二人徒相天子大僕二人也小臣四疏正義曰注案禮輕人祭僕六人御僕十二人皆同官校勘記云案徐本

集釋通解楊氏俱作燕與疏合云工四人者燕禮輕從

大夫制也者以大射儀工六人為禮重從諸侯制也賈疏

云公羊傳諸公六諸侯四若然知非大射是諸公制此燕

禮是諸侯制者案鄉射皆工四人是大夫制則諸侯不得

有工四人五等諸侯同六人彼公羊六人四人不同者自

是舞人之數不得以彼決此也吳氏廷華云此經工四人

大射工六人鄉射工皆四人四與六若有諸侯大夫之分

故鄉飲疏謂天子八諸侯六大夫四士二非確有所據也

若以此疏引公羊傳舞列例之則此四人正是諸侯之禮

大射六人是諸公之禮燕與射或兩舉之所謂互文見義

未可知也又云注以面鼓為燕尚樂之故疏以面鼓較鄉

飲後首為臣降於君之故兩說各別然注說為近云面鼓

者燕尚樂可鼓者在前面也者對鄉飲酒左何瑟後首而言

也云後二人徒相天子大僕二人也小臣四人祭僕六人

御僕十二人皆同官者此周禮序官文釋官云大射云僕

人正徒相大師僕人師相少師僕人土相上工此言小臣

納工又云小臣左何瑟不別正與師蓋總舉其官之辭鄭  
引周禮序官諸侯小臣下亦有僕人同官大射小臣事繁  
賈豐臣食



故不相工而專使僕人相工燕禮事省小臣與僕人同相  
小臣爲官之長故總言小臣以燕不主辯尊卑略之也又  
案此篇單言小臣者唯此爲統舉全官之辭餘皆謂小臣  
正也胡氏肇所云此經說者不一如敖氏云此諸侯之小  
臣乃多於周官所言天子小臣之數亦其異者也郝氏云  
周禮夏官小臣四人公燕小臣相工四人其他請媵辭賓  
之類又小臣則諸侯小臣不多於天子乎故禮言難盡合  
也蔡氏德晉云案周官大僕下大夫二人小臣上士四人  
而祭僕御僕隸僕中下士凡二十人天子之制也今諸侯  
之制小臣相工者四人而請媵辭賓之類亦皆小臣則小  
臣之數幾多於天子矣然以大射儀考之小臣納工工六  
人四瑟僕人正徒相太師僕人師相少師僕人士相上工  
既稱小臣又稱僕人則是大僕之屬俱得以小臣稱之其  
數固未嘗多也盛氏世佐云小臣止四人而盡用之相工  
鄭疑其不足於他用故引周禮序官之文以見其同官者  
衆或可兼攝遞換也殊不知相工之小臣卽曷之請媵  
辭賓者蓋小臣之職掌王之小命詔小法儀正燕服位於  
諸侯當亦不異今以此篇考之其始戒羣臣設公席納卿  
大夫既而請執冪及羞膳者請媵請致辭賓下拜皆以小  
臣爲之至是又納工而爲之相前後執事各不相妨雖四

人何慮其不給乎若謂其不止於四人則諸侯設官必無多於天子之理適足以滋後人之惑亦愚所不取也又案小臣相工方行禮之時則然耳非專司其事也專司其事者眡瞭也舊說諸侯無眡瞭使小臣代之非蓋瞽者不可一刻無相周禮上瞽中瞽下瞽共三百人眡瞭之數亦如之每瞽一相必不可少也諸侯之眡瞭雖減於天子亦豈小臣所能充其數乎且眡瞭非官也而小臣則以上士爲之於諸侯亦當爲中士豈得以羣僕侍御之臣而親茲細事乎然則眡瞭職云凡樂事相瞽常職也此篇及大射儀納工之時相以小臣等官以樂賓故重其事也若以暫時之相而廢其常職有以知其必不然矣

皇者華

三者皆小雅篇也鹿鳴君與臣下及四方之賓宴講道修政之樂歌也此采其己有旨酒以召嘉賓

嘉賓旣來示我以善道又樂嘉賓有孔昭之明德可則效也四牡君勞使臣之來樂歌也此采其勤苦王事念將父母懷歸傷悲忠孝之至以勞賓也皇皇者華君遣使臣之樂歌也此采其更是勞苦自以爲不及欲諮謀於賢知而以自充

疏

正義曰校勘記云注可則效也效釋文徐本集釋通解要義俱作倣陸氏云倣本又作諒同更

明也

是勞苦是徐本作自集釋通解要義  
俱作是。○解歌詩與鄉飲酒篇同

### 右升歌

卒歌主人洗升獻工工不興左瑟一人拜受爵主人面階

上拜送爵

工歌乃獻之賤者先就事也左瑟便其右一人工之長者也工拜於席

疏

正義曰敖氏云

此不辯工之爲大師與否皆爲之洗以其取觚於洗而之  
篚宜因而洗之也下洗獻筮其義亦然鄉飲酒鄉射非獻  
大師則不洗者以其取爵于上篚故不特爲賤者降也盛  
氏云鄉飲鄉射人臣禮大師之有無未可知故或洗或不  
洗燕大射人君禮大師無不在故皆洗也韋氏協夢云鄉  
飲射臣禮可略燕禮則有事公宮不可不敬且燕禮之主  
人非正主故不妨爲之洗也然亦爲長者一人洗觀拜受  
爵惟一人則洗亦一人可知主人面階上拜送爵褚氏寅  
亮云凡不洗者不祭下眾工皆祭酒則皆洗可知皆洗皆  
祭君禮之異者也獻筮同江氏筠云獻工獻筮疏謂皆爲  
之洗謬也鄉飲云大師則爲之洗而其羣工羣筮悉皆言  
祭此經相祭及坐祭之文有一與彼異者乎且疏於彼處

亦引記文彼罍工祭飲注云獻酒重無不祭也疏云得獻  
酒者無有不祭其正酬亦祭至旅酬以下則不祭而已故  
下記云凡旅不洗不洗者不祭注云酬禮殺也不甚潔也  
此罍工不洗而祭是以云獻酒重無不祭也然則不洗有  
祭而記所云者不可以例正獻明矣又案此經之所洗獻  
者恐工與笙俱各於其長一人工之一人則大師也鄉飲  
大夫無常官必君賜之樂并樂人與之乃有大師此則諸  
侯有常官自有大師卒歌後自先得獻大射儀一人拜受  
爵注云謂大師也是也然其所以爲之洗者卻非如鄉飲  
酒專以其爲大師而尊之蓋彼是尊君賜此則發端之禮  
宜然亦以此主非正主故也故其於笙亦洗獻笙之於此  
宜洗獻者鄉飲工歌獻工笙入獻笙其事相承此則工歌  
之後笙獻之前閒公爲大夫舉旅一節以其禮更端故與  
彼異也疏謂羣工衆笙皆爲之洗始末必然方氏苞云鄉  
飲酒鄉射主人獻工于面階及阼階上拜送爵賓主正禮  
也獻笙卽拜送爵于面階禮殺也燕大射獻工亦拜送爵  
于面階工賤代君賜爵不得全用賓主之禮韋氏云鄉飲  
鄉射主人皆阼階上拜送爵燕禮之主人亦在面階故卽  
于面階上拜送爵注云左瑟便其右者李氏如圭云工  
北面酒從東來故空其右以受獻詩簡兮曰左手執籥右

手秉翟赫如渥赭公言錫爵謂此獻工之爵云工薦脯醢

拜於席者以拜必降席經不言降席知拜於席也薦脯醢

輒薦之變疏正義曰注云輒薦之變於大夫也者李氏如

於大夫也疏主云禮尚異非謂貴工張氏爾岐云大夫徧

獻乃薦此獻一人即薦禮尚異故變於大夫也方氏苞云

公及賓與公卿獻薦相隨而工亦然何也工數少儀略故

歌奏獻薦同時而畢事同而義異也盛氏使人相祭使扶

云每獻輒薦自是獻工之常禮注說鑿使人相祭工者

相其祭疏正義曰李氏云相祭文承薦下則長一人祭薦

薦祭酒疏胡氏肇听云扶工者即上文之小臣也小臣坐

授瑟乃降使之相則必卒爵不拜賤不主人受爵將復獻

升經不言升相省文也

卒爵不拜

賤不

主人受爵

將復獻

衆工也

爲獻工長一人下

衆工不拜受爵坐祭遂卒爵辯有脯醢

不祭主人受爵降奠于篚

遂猶因也古文

疏正義曰敖氏

不與此云坐祭遂卒爵文互見也

注云古文曰卒爵不

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

拜鄭不從者胡氏承珙云上文主人獻工一人拜受爵卒

爵不拜云一人工之長者賤不衛禮是工之長者以賤故祇受爵拜卒爵不拜此眾工更賤受爵且不拜矣言遂卒爵無庸更言不拜大射儀亦云眾工不拜受爵坐祭遂卒爵鄭以彼決之故不從古文

### 右獻工

公又舉奠觶唯公所賜以旅于西階上如初

言賜者君又彌尊賓長彌

卑

疏正義曰張氏爾岐云奠觶賡爵者奠於薦南之觶也公舉之爲大夫旅酬也如初如爲賓爲卿舉旅之節

也方氏苞云爲大夫舉旅不於獻後而介於獻工獻笙之閒何也正禮再獻再酢一酬公與賓尚有閒而獻主無時休息雖強力者亦倦矣故別使大夫賡觶以休獻主自是以後公爲賓舉旅而主人獻公卿公爲公卿舉旅而主人獻大夫皆賡觶者與獻主遞代而卽事獻大夫禮略獻工尤略故同時而畢然後公爲大夫舉旅而主人獻笙仍與賡觶者事相閒耳吳氏廷華云此所舉蓋再賡所奠者經不言大夫據燕義大夫舉旅行酬而後獻士此在獻士前故疏以大夫言之褚氏寅亮云言賜者無論卿大夫必先以酬賓乃以次而下注云言賜者君又彌尊賓長彌卑

傳禮正義卷十一  
者對上為賓舉旅為卿舉旅皆言酬不言賜也敖氏云賜與酬其禮同特經之立文異耳方氏云上經云又行一爵唯公所酬或親卒爵或徑以授賓若長不定之爵也此曰唯公所賜則唯舉奠解以賜受酬之大夫而公不自飲之辭也蓋公既三卒爵矣即能勝亦不宐多勝以自檢於威儀故下經解象解公亦不自卒解而以賜大夫蓋無算爵之始又不可不自飲以導之故不得不預為劑度之耳

### 右公三舉旅以成獻大夫之禮

卒

旅畢也

疏正義曰盛氏世佐云

言此者為下節也 笙入立于縣中奏南陔白

華華黍

以笙播此三篇之詩縣中縣中央也鄉飲酒禮曰磬南北面奏南陔白華華黍皆小雅篇也今亡其

義未聞管周之興也周公制禮作樂采時世之詩以為樂歌所以通情相風切也其有此篇明矣後世衰微幽厲尤甚禮樂之書稍稍廢棄孔子曰吾自衛反魯然後樂正雅頌各得其所謂當時在者而復重襍亂者也惡能存其亡者乎且正考父校商之名頌十二篇於周大師歸以祀其先王至孔子二百年之間五篇而已此其信也

疏正義

曰注立正考父校勘記云立徐陳集釋通解要義俱作且  
云縣中縣中央也者賈疏云諸侯軒縣闕南面而已故  
得言縣中鄉飲酒唯有一磬縣不得言縣中而云磬南注  
引鄉飲酒者欲見此雖軒縣近北面縣之南也敖氏云此  
云縣中蓋與鄉飲酒磬南北面之文互見也磬  
南而云縣中者縣主於磬也餘詳鄉飲酒禮

### 右奏笙

主人洗升獻笙于西階上一人拜盡階不升堂受爵降主

人拜送爵階前坐祭立卒爵不拜既爵升授主人

一人笙之長者

也鄉射禮曰笙

疏正義曰韋氏協夢云獻笙之爵即獻工

一人拜于下

敬之也注引鄉射禮者證一

人拜亦拜於下也鄉飲酒注同

眾笙不拜受爵降坐祭立

卒爵拜有脯醢不祭

### 右獻笙



乃閒歌魚麗笙由庚歌南有嘉魚笙崇丘歌南山有臺笙

由儀開代也謂一歌則一吹也六者皆小雅篇也魚麗言大平年豐物多也此采其物多酒旨所以優賓也南

有嘉魚言大平君子有酒樂與賢者共之也此采其能以禮下賢者賢者累蔓而歸之與之宴樂也南山有臺言大

平之治以賢者為本也此采其愛友賢者為邦家之基民之父母既欲其身之壽考又欲其名德之長也由庚崇丘

由儀今正疏正義曰詳見遂歌鄉樂周南關雎葛覃卷耳其義未聞疏鄉飲酒義

召南鵲巢采芣采蘋周南召南國風篇也王后國君夫人房中之樂歌也關雎言后妃之德葛

覃言后妃之職卷耳言后妃之志鵲巢言國君夫人之德采芣言國君夫人不失職也采蘋言卿大夫之妻能脩其

法度也魯大王王季居於岐山之陽躬行召南之教以興王業及文王而行周南之教以受命大雅云刑于寡妻至

于兄弟以御于家邦謂此也其始一國爾文王作邑於豐以故地為卿士之采地乃分為二國周周公所食也召召

公所食也於是文王三分天下有其二德化被於南土是

以其詩有仁賢之風者屬之召南焉有聖人之風者屬之

周南焉夫婦之道者生民之本王政之端此六篇者其敦  
之原也故國君與其臣下及四方之賓燕用之合樂也鄉  
樂者風也小雅爲諸侯之樂大雅頌爲天子之樂鄉飲酒  
升歌小雅禮盛者可以進取燕合鄉樂者禮輕者可以逮  
下也春秋傳曰肆夏繁遏渠天子所以享元侯也文王大  
明縣兩君相見之樂也然則諸侯之相與燕升歌大雅合  
小雅也天子與次國小國之君燕亦如之與大  
國之君燕升歌頌合大雅其笙閒之篇未聞  
云葛覃覃宋本釋文作葦采繁繁陳閔監本俱作繁注能  
脩其法度也盧氏文昭改脩爲循金曰追云脩鄉飲作循  
詩序亦作循案鄉飲注之循徐本作脩此注之脩諸本無  
作循者於時文王時誤作是德化被於西土西徐陳集釋  
通解要義俱作南鍾本西土作南山夫婦之道者集釋無  
者字然則諸侯之相與燕徐本集釋要義俱無之字通解  
有○李氏如圭云歌者亦與衆聲俱作而歌之鄉飲酒自  
歌其樂故不言鄉樂也蔡氏德晉云謂之鄉樂者關雎葛  
覃諸篇所言皆修身齊家之事自天子至於庶人無異道  
故鄉飲酒鄉射士大夫家皆得用之而遂以爲鄉樂也餘  
詳鄉飲  
酒記  
大師告于樂正曰正歌備  
之聲教六詩以六律爲

爲之音者也子貢問師乙曰吾聞聲歌各有宜也如賜者  
宜何歌也是明其掌而知之也正歌者升歌及笙各三終  
閒歌三終合樂三終疏正義曰校勘記云大師告樂正告  
爲一備備亦成也下唐石經徐本集釋要義楊氏放  
氏俱有于字通解無注大師以六律大師徐本集釋通解  
楊氏俱作六詩是也與單疏述注合陳葛俱誤作六師疏  
同○楊氏云燕禮歌笙閒合四節與鄉飲酒禮同鄉飲酒  
禮則四節相繼而作燕禮於工歌三終之後公爲大夫舉  
旅旣舉旅之後乃笙入三終閒歌三終合樂三終而後樂  
備蓋燕尙飲酒放於工歌之後笙入之前有旅酬之禮  
注云大師上工也者釋官曰大射有大師又有上工此注  
云大師上工者散文大師旣通稱工大師爲樂工之長則  
亦稱上工也云掌合陰陽之聲教六詩以六律爲之音者  
也者此約周禮大師職文六詩謂風賦比興雅頌也刊本  
注六詩或誤作六師張氏爾岐據誤本以爲之說云六師  
周禮磬鍾笙鏞鼗鼔等六師也謬矣子貢問師乙云云見  
禮記樂記鄭引以爲證也云正歌者升歌及笙各三終閒  
歌三終合樂三終爲一備備亦成也者樂必合此四節爲  
一備周禮樂師職云凡樂成則告備是備亦成也

樂正由楹內東楹之東告于公

乃降復位

言由楹內者以其立於堂廉也復位位往東縣之北

**疏**

正義曰注云言由楹內者以其立於

堂廉也者李氏如圭云工席在樂正東故樂正由楹內以適東楹之東也敖氏云由楹內堂上東行者之節也必著之者以其立於堂廉嫌或由便而自楹外過也蔡氏德晉云由楹內樂正立工西工坐階際故由楹內而往堂東也東楹之東往君降階上西面之面也云復位位在東縣之北者張氏爾岐云初樂正與工俱在堂廉今告樂備復降在東縣北北面也敖氏云降復位則是反其初位矣初位未詳其處鄉飲酒注云樂正降立西階東北面盛氏云上經不見樂正所立處而此云復位則亦在西面方東面北上之位矣蓋樂正於天子為樂師樂師下大夫則樂正士也士之位已見上故於此言復注蓋出於臆說敖亦未確釋官曰此注殊可疑樂正之位總與工相近鄉飲酒禮云設工席于堂廉東上樂正先升立于西階東鄉射禮及此篇云席工于西階上少東樂正先升北面立于其西是樂正在堂上則位在工西而立於西階東其降也亦立於西階東北面以其工猶在堂上西階東則仍與工相近故鄉飲鄉射樂正告于賓乃降注皆云降立西階東北面是也此經云復位者即西階東北面之位樂正與工升降俱自西

階其入而未升也當先位於此故降云復位鄉飲鄉射二篇不言者文有詳略耳其實亦與此同燕禮告于公公在阼階上故由楹內轉而之東其降也仍自西階阼階下之東南東縣之北鄉射將射工遷于下降自西階阼階下之東南堂前三筭西而北上坐樂正北面立于其南射畢工升自西階樂正反自西階東北面然則樂正之位總與工近明矣所以必與工近者以凡樂事皆樂正主其令故也此時工在堂上樂正安得離而位於東賈疏引大射況之不知燕時之射亦與大射異且燕禮止有小樂正無大樂正皆緣下左右正注而誤義疏云由楹內而東其節應爾楹南儘寬非以其窄而無過處也樂正之位不離乎工在堂則北面於工之西樂備而工猶未降則西階東北面乃近之蓋工初入而將升時樂正卽位乎此故云復也注良由以樂正爲有二人故致誤不知大射儀亦無兩樂正也

### 右歌笙閒作遂合鄉樂而告樂備

射人自阼階下請立司正公許射人遂爲司正

君許其請因命用爲

司正君三舉爵樂備作矣將畱賓飲酒更立司正以監之察儀法也射人俱相禮其事同

**疏**

正義曰張氏爾岐云

自此至無算爵皆坐燕盡歡之事既立司正安賓次主人  
獻士及旅食次或射以樂賓次賓膝解于公爲士舉旅酬  
次主人獻庶子以下諸臣乃行無算爵無算樂凡六節而  
燕禮備注云君許其請因命用爲司正者以射人請立  
司正而公卽命用射人爲司正也蔡氏謂射人卽自爲司  
正不待君命者以有常職故不知射人無不待君命自爲  
司正之理蓋經文公許之中卽兼用爲司正之意經未明  
言故注明之也云君三舉爵樂備作矣將畱賓飲酒更立  
司正以監之察儀法也者李氏如圭云三舉爵者爲賓爲  
卿爲大夫舉旅也晉語云獻公飲大夫酒令司正實爵與  
史蘇曰飲而無肴郝氏云初燕禮廢終則易懈初司正洗  
酬賓卿大夫夫人少終酬士人衆故正之以司正也司正洗

角解南面坐奠于中庭升東楹之東受命而階上北面命

卿大夫君曰以我安卿大夫皆對曰諾敢不安洗奠角解於中庭明

其事以自表威儀多也君意殷勤欲畱賓飲酒疏正義曰  
命卿大夫以我故安或亦其實不主意於賓也疏敖氏云  
中庭亦南北之中蓋阼階前也司正不位於階間者以燕  
亦有時而射安辟之也盛氏曰司正奠觶之處與鄉飲酒  
儀豐臣彘

鄉射禮同皆在兩階之間庭之中也鄉射禮云設楅于中庭南當洗當洗既爲南北之節則中庭爲東西節明矣此惟言中庭則南北之中亦因以可見敖云阼階前非階前爲堂塗何云中庭也若射則司正爲司馬遷位於司射之南說見鄉射鄉飲鄉射司正奠觶皆北面此獨南面者立司正所以監眾君在堂北面嫌於監至尊故南面以示監堂下諸臣也焦氏以恕云鄉飲酒立司正經文云階閒北面坐奠觶鄉射禮此條無注亦主階閒爲東西之節與鄉飲正同燕禮大射云南面坐奠于中庭不別著階閒者已見鄉飲故也敖氏阼階前之說鑿空言之不特與鄭異與經文違背斷不可從。注不主意於賓也校勘記云徐本集釋楊氏俱無也字與單疏標目合通解有云洗奠角觶於中庭明其事以自表威儀多也者敖氏云洗角觶爲將酌也奠之乃升受命者君命尊不敢執觶由便以受之也云君意殷勤欲畱賓飲酒命卿大夫以我故安者張氏爾岐云司正述君之言以命卿大夫我者君自我也言我欲畱賓當爲我安坐以畱之也吳氏廷華云鄉飲司正執觶升堂蓋以示愆儀有罰之義如屠蒯揚觶是也受命於君不敢以罰爵向君故奠之君曰者舉君命命之也以我安卿大夫者以我命安之也不言賓賓亦大夫也瑄案經

言安公卿大夫而不言賓諸亦言公卿大夫而不言賓要  
之賓重於卿大夫舉輕則重者可知敖氏云以我安云者  
若曰以我爲司正所以安汝也蓋達君之意而自爲之辭  
大射儀曰命賓諸公卿大夫此不言賓諸公者文省耳方  
氏苞云立司正恐既醉而號呶俾謹其禮法也而不可以  
爲禮辭故曰君命我爲司正乃所以安卿大夫使坐而行  
酒耳言卿大夫則賓可知矣不及諸公燕禮輕非大射擇  
士以祭之比或不以煩諸公也胡氏肇所云敖氏以我爲  
司正自我與注說異而方氏從之其說非也經文君曰以  
我安明司正述君之命我爲君自我也下文卿大夫皆對  
曰諾敢不安因聞君命故對之敬謹如此司正不尊於卿  
大夫且在君之前而侈然自稱曰以我爲司正所以安汝  
有是理乎考詩南有嘉魚序云樂與賢也其詩云嘉賓式  
燕綏之箋云綏安也引燕禮曰以我安又湛露序云天子  
燕諸侯也其詩云厭厭夜飲傳云厭厭安也皆此經以我  
安之意也郝氏云以我安卽命辭以猶與也我君自謂也  
賓安則我安望諸臣共畱安賓因以安君殷勤誠切之至  
也盛氏云一獻之禮賓主百拜非强有力者弗能勝故於  
禮成樂備之後設有請安一節君尊唯恐其臣或以已故  
而不敢久畱也故命司正告之曰子大夫其與我而俱安



乎蓋示以留之之意也於是賓卿大夫不復辭而直應之  
曰諾敢不敢也敢不安者言君安孰敢不安也詩人之愛  
其君也曰大夫夙退無使君勞君之禮其臣也曰以我安  
古之君臣藹然家人父子之情一體相關之誼於斯可見  
矣云或亦其實不主意於賓也者此以以我安兼有二意  
上言欲留賓飲酒故命卿大夫是意主於賓此言其意亦  
欲卿大夫共安意不專主於賓故推言之也

**司正降自西階南面坐取觶升酌**

**散降南面坐奠觶右還北面少立坐取觶興坐不祭卒觶**

**奠之興再拜稽首**  
右還將通觶南先面面也必從觶面爲君之在東也少立者自嚴正慎其位也

**疏**  
正義曰注自嚴正慎其位也校勘記云徐本集釋楊氏俱無也字嚴鍾併無慎字通解有案無也字與單疏標

目合。方氏苞云卿飲鄉射主人作司正故許諾而主人拜焉司正荅焉燕與大射則官事有常故司正自請而不

拜也惟卒觶之拜則皆無荅而其義各別飲射之觶將糾

旅酬者之儀法而先自飲以爲式若主人與賓荅拜則似

與司正共監眾賓故不敢荅示已亦在所糾之列也燕與大射則有司共其常職君無庸荅拜而主人亦不敢荅示

其稟於君命與眾賓同也。褚氏寅亮云：注疏從解而往來之說確不可易。故氏謂山解東則與經文左右適相反矣。日月五星右還亦自北向西南，而南向也。天左還亦自南向西南，而自西向北也。如何以右還為自北而東，左還為自南向東？郭其以中庭位為阼階前，南北之中，而非階間南北之中，誤與鄉飲同。阼階前之中庭，公立處也。臣可立乎？吳氏廷華云：南面奠解則在解北，從解面右還至解南，則又北面為右，故曰右還。北面者，以面為左，故曰左還。洗者，洗於阼東南，反者，反於中庭。其所亦中庭也。奠解本在中庭，故曰其所右還，則右手向外。其說是也。必從面行者，東為主，位常避之，故升降皆由面也。注云：右還將適解南，先面而也。必從解面為君之在東也者，賈疏云：右還謂奠時南面，乃以右手向外，而面乃從解面南行，而右還北面若從解東而左還北面，則背君以其君在阼故也。敖氏云：將於解南北面，則右還於解北，南面則左還，皆欲從解東往來也。必從解東者，變於在堂者，升席降席之儀，而由上也。司正之位，東上少立者，定其位也。案敖說，故與注異。焦氏以恕謂辟君當從解面，古注本無漏義，而敖氏不遵用，謂變於堂上。凡敖氏往往言某禮變於某禮，愚謂禮惟其宜。

實不須肩肩示變以著其新異敖氏憑肌逞私幾欲自為

一經空分別觀之焉盛氏世佐亦謂敖云從觶東非而謂

注為君在東之說亦未然云於觶南乃北面者為左還南

當取觶而飲鄉堂而拜以示受命於君之意也

面坐取觶洗南面反奠于其所反奠虛解疏正義曰張氏

奠觶取觶皆南面明將監堂下酒儀也北面拜者明監酒

出君命也吳氏廷華云虛觶必洗而奠之者蓋以待愆儀

之罰也升自西階東楹之東請徹俎降公許告于賓賓北面

取俎以出膳宰徹公俎降自阼階以東膳宰降自阼階以

然疏正義曰敖氏云鼎者司正受命安賓諸公卿大夫賓

於賓亦面階上北面告之既則降燕賓乃執俎而出者臣

也出授從者方氏苞云鄉飲酒鄉射賓請而後主人命徹

尊賓也君臣之禮則有司要其節而請於君宜也盛氏云

同正於此不請坐於賓而遽請徹俎於公亦君禮之異者

也注云膳宰降自阼階以賓親徹若君親徹然者李氏

如圭云鄉飲酒主人取俎還授弟子弟子以降自西階主

人降自阼階燕禮公不降故膳宰降自阼階也郝氏云人臣升降由西階膳宰徹君俎降由阼階重君物別於諸臣也以東歸東壁也盛氏云鄉飲鄉射主人之俎亦降自西階從賓也燕公俎降自阼階君尊得自由其階也釋官曰周禮膳夫職曰凡王祭祀賓客會則徹王之胾俎褚氏寅亮云降字似宜在告於賓下非衍也義疏云此說是也大射云司馬正升自西階東楹之東北面告于公請徹俎公許遂適西階上北面告于賓不降案司正告公告賓前後皆在階上不應卿大夫皆降東面北上以將坐降疏正義於徹俎獨降也卿大夫皆降東面北上待賓反也疏曰李氏如圭云降賓反入及卿大夫皆說屨升就席公以賓及立西階下

卿大夫皆坐乃安

凡燕坐必說屨屨賤不在堂也禮者尚敬敬多則不親燕安坐相親之心也

疏

正義曰校勘記云凡燕坐陳本通解俱作座非也相親之心也徐本集釋楊氏俱無也字與單疏標目合通解

有注云凡燕坐必說屨屨賤不在堂也者李氏如圭云

不言公降說易於堂上席側也凡坐於堂者說屨於堂下

於室者說屨於戶外少儀曰說屨於戶內者一人而已矣

謂尊者也此君尊在堂上說易於席側可知春秋傳衛侯

與諸大夫飲酒褚師聲子韞而登席公怒蓋古者見君以  
解韞爲敬也敖氏云賓入少立於卿之北司正升賓賓乃  
及卿大夫說履而升也盛氏云大射儀云司正升賓賓諸  
公卿大夫皆說履升就席此不言司正升賓者文略也云  
禮者尙敬敬多則不親燕安坐相親之心也者此釋經燕  
安坐之義案爾雅安止也又云安定也又安坐也詩嘉  
賓式燕綏之安與綏古相通是安之義謂止而坐之也今  
人猶謂設席燕賓請賓入席曰安坐卽是此意饗主於敬  
燕主於樂樂則相親鄭云燕安坐相親之心也敖氏謂乃  
安謂賓及卿大夫之心至是乃安也失其義矣敖氏又云  
自此以後有升降而行禮者皆跌也至醉而退乃履褚氏  
寅亮云少儀曰凡祭於室中堂上無跌燕則有之此禮說  
履卽跌矣然亦未嘗見膚也漢衣連衣裳爲之而曰短無  
見膚則殊衣裳者制亦可知吳氏廷華云公以皆坐則就  
席時未**羞**席**羞**謂照肝腎狗戴醢也骨體所以致敬也  
坐也**羞**席**羞**謂照肝腎狗戴醢也骨體所以致敬也疏  
正義曰注云照肝腎狗戴醢也者李氏如圭云案內則肝  
腎取狗肝一蒙之以其骨燕禮牲用狗知有肝腎狗戴醢  
也以經云庶羞知不但戴醢而已方氏苞云牲以狗而羞  
則庶觀六月韓奕二詩所陳品味惟嘉惟備可羞無不薦

也此而周之詩可以證周公之典禮敖氏云亦先賓乃及公而後及其餘未獻士而羞此則是不及於在下者矣義疏云肝膋非速致之具此未必有吳氏廷華云周禮膳夫羞與珍竝言肝膋爲八珍之一不得襍入庶羞盧氏文弼云庶羞衆羞也必不止於狗彘醢記所云庶羞不踰牲者謂用豕不必以羊爲庶羞若魚鼈之類非所得踰者也

大夫祭薦

燕乃祭薦不敢於盛成禮也

疏正義曰李氏如圭云受獻禮

云獻時不得祭薦至是乃爲之必祭之者宜終此禮然後可以食庶羞也郝氏云初獻大夫於西階上未升席故未祭至是升席乃祭也司正升受命皆命君曰無不醉賓及卿大夫皆

興對曰諾敢不醉皆反坐

皆命者命賓命卿大夫也起對必降席司正退立西序端

疏

正義曰注云皆命者命賓命卿大夫也者以下文云賓及卿大夫皆興知之也案南有嘉魚末章云君子有酒嘉賓式燕又思箋云又復也以其壹意欲復與加厚之據上云嘉賓式燕綏之綏爲安卽此經之無不安下云又之又卽此經之無不醉也又與侑古音相近通用言其舉酒以相勸侑也又湛露云不醉無歸亦卽此經之無不醉也云司

正退立西序端者盛氏云注蓋約鄉飲酒禮言之然非也  
西序端者相旅之位此下方獻士未須相況獻士之時司  
正亦將與焉則其降復解南之位以俟可知也敖氏云惟  
云受命皆命又不著其所如上文可知既對則司正降而  
復位當以此說為正褚氏寅亮云究以注退立西序端之  
說為正蓋既為司正則獻酬時俱當立堂上以察儀迨其  
受獻乃降復解南位  
獻訖仍升立序端也

### 右立司正命安賓

主人洗升獻士于西階上士長升拜受解主人拜送解  
用解士賤也疏正義曰主人拜受解校勘記云受唐石經  
今文解為觚徐本集釋通解要義楊氏敖氏俱作送  
李氏如圭云士堂上無位故燕坐乃獻之郝氏云樂終而  
後獻士士卑也士長士之尊者如司正司士等是也  
云獻士用解士賤也今文解作觚者敖氏云凡獻無用解  
者當從今文盛氏云觴以小為貴故獻用爵其他用解鄉  
飲酒之禮是也燕禮輕故獻用觚觚大於爵也大夫以上  
既用觚則獻士用解禮亦宜之今文作觚者以解字角旁

著氏與觚相涉致誤也敖氏定從今文非禮器云貴者獻以爵賤者獻以散夫宗廟之祭獻以散者有之矣燕禮以觚獻士何以決其必無哉胡氏承琪云鄭注特牲饋食記引舊說云爵一升觚二升解三升角四升散五升此鄭以前儒家治禮經者相承之師說也禮器正義及梓人疏引許氏五經異義云今韓詩說一升曰爵二升曰觚三升曰解四升曰角五升曰散古周禮說亦與之同許君謹案周禮一獻三酬當一豆卽觚二升不滿豆矣鄭駁之云觚字角旁著氏汝穎之間師讀所作今禮角旁單古書或作角旁氏角旁氏則與觚字相近學者多聞觚寡聞觚寫此書亂之而作觚耳又南郡太守馬季長說一獻而三酬則一豆當爲斗與一爵三解相應禮器制度云觚大二升解大三升是故鄭從二升觚三升解也據此知鄭君所引儀禮舊說與韓詩說古周禮說叔孫通禮器制度馬季長說皆同惟許叔重獨自爲說說文云觚受四升又云觴三升者謂之觚此蓋師承之異鄭以與經不相應故爲此駁至解觚二字之誤則由觚觚形近易譌言之尤爲明晰儀禮古文多作觚故雖觚字亦爲觚今文多作觚故雖觚字亦爲觚鄭參校古今文以義定之土文獻碑正主不用爵而用觚古文作觚此古文之誤也此獻士用觚者士賤也賈



疏云對大夫已上獻用觚旅酬乃用觶此獻士即用觶故云士賤也今文作觥此今文之誤也其他今文多誤解為觥又有古今文皆誤者如燕禮賓降洗升媵觥于公注云此當言媵解酬之禮皆用解言觥者字之誤也古者觥字或作角旁氏由此誤爾大射儀賓降洗象觥注云此觥當為觥此則觥本作觥字形近觥古今文皆因之而誤者也鄭於注一一是正士坐祭立飲不拜既爵其他不拜坐祭可謂精審之至矣

立飲他謂眾士也亦升受爵升受爵不拜疏云正義曰注云他謂眾士也者郝氏

升受爵不拜者李氏如圭云笙長受爵於階上知士亦升

受爵吳氏廷華云周官笙師中士二人下士四人此注眾

士大約與笙師等上文獻笙于西階上一人拜盡階不升堂受爵降彼何嘗升堂邪乃薦司正與射

人一人司士一人執冪二人立于觶南東上天子射人司士皆下大夫

二人諸侯則上士其人疏正義曰李氏如圭云司正在上

數亦如之司正為上庭長也此皆有事者故別在解

南北面而先薦司士士中之尊者敖氏云此皆士也獻與士序每獻則薦之薦不與士序者亦異之也司士之位正

當觶南射人而下以次而面執纂者既薦則復立於尊南  
郝氏云乃薦謂統獻於西階上乃以脯醢各薦於其位先  
薦司正等四人先長也司正卽射人爲之故曰一人盛氏  
云此五人者皆士長也得獻在先故因獻而薦之射人大  
射正也司士二人此在觶南者又其長也觀司士之先得  
薦可見士受獻亦以尊卑爲序不以齒矣賈疏云此經三  
者當官雖多皆取長先薦其餘在於眾位依齒也非褚氏  
寅亮云司正庭長於獻士時而先薦之益可明薦主人於  
獻大夫時者亦以齒同也獻司正等仍與士序獻訖卽薦  
不待辯獻乃薦所以殊之於羣士中其位則司正正當觶  
南射人而下以次而面俱北面吳氏廷華云司士本不言  
位而亦薦於此者據周禮司士掌朝儀之位爲之據聘  
禮擯相幣在中庭則司士固有在庭之位經文不具耳則  
其與司正竝薦宜也執纂固是士位在尊南亦薦於此者  
或以分卑而近公不敢薦於其位故就堂下近其位之地  
與司正竝薦之耳方氏苞云司正射人也而稱司正以特  
薦宜首庭長也鄉射之司正司射司馬皆以州之屬士攝  
事而假以是稱燕則皆以大射正爲之故下經特標若射  
則大射正爲司射以明篇首之射人此特薦之司正皆大  
射正而同薦之射人則小射正也司射反爲司正不見於

經何也以鄉射作相爲司正司正爲司馬司馬反爲司正義可互見也大射正爲司正又爲司射則射畢之後反爲司正者非大射正而誰哉燕而射則不立司馬而凡禮事皆射人主之何也周官射人掌公卿大夫士之朝位詔相其儀法君行必從則燕射之禮事惟射人掌之爲宜注云天子射人司士皆下大夫二人諸侯則上士其人數亦如之者釋官曰注引天子射人者謂天子射人下大夫二人諸侯以上士爲之長亦有二人一爲司正一仍供射人之職故經云乃薦司正與射人一人又云周禮司士下大夫二人中士六人下士十有二人諸侯司士上士爲之文王世子云其在朝則以官司士爲之注司士亦司馬之屬掌羣臣之版正朝儀之位是諸侯司士所掌與天子司士同左傳成十八年荀寅爲右司士屬焉服注司士主右之官孔疏以爲卽周禮司右與此司士別左傳官名多出於東遷後所增改

辨獻士士旣獻者立于東方面面北上乃

此亦一證也

薦士

每已獻而卽位於東方

疏

正義曰方氏苞云其文正

大夫於獻之時遂薦士則辨獻畢立於西方而後同時齊薦也

注云每已獻而卽位於東方蓋尊之者賈疏云庭

中之位卿東方面面大夫北面士西方東面是東方尊今卿大夫得獻升堂位空士得獻即東方卿位是尊之也

祝史小臣師亦就其位而薦之

次士獻之已不變

**疏**

正義曰注

云位自在東方者賈疏云上設位之時祝史在門東小臣在東堂下是在東方也

主人就旅食之

尊而獻之旅食不拜受爵坐祭立飲

北面酌南鄉獻之於尊南不洗者以其賤

略之也亦畢獻乃薦之主

**疏**

正義曰敖氏云不洗者因獻

人執虛爵奠於篚復位

士之爵而遂用之不復別取

於篚也凡取爵於下篚雖所為酌者賤亦必為之洗旅食

者與士異尊矣乃繼士獻之而遂因士爵且不殊其長皆

略賤也方氏苞云就其尊而獻者在禮侍飲於長者拜受

於尊所士旅食者位卑人眾而禮不可廢故體主人之勤

而簡其節也褚氏寅亮云當依注尊後北面酌向君之義

為長獻之或西南面敖說可從義疏云惟君面尊酌者於

尊背酌之若非君尊則酌者鄉尊而酌之如尊于房戶之

閒者尊南面酌者則北面也此門面之尊北面則酌者南

面可知義疏云大射注則云主人既酌西面旅食北面受

之不同案燕旅食尊在門西旅食立于其南主人獻之于

信刑正事卷十一  
尊南有尊在北不嫌背君故得南面大射注云凡授爵向  
所受者是其正也大射選射位旅會尊設於樂縣之南旅  
會者位在士南是不當尊南若南面  
獻則是背君故面而獻而北面受也

右主人辨獻士及旅會

若射則大射正為司射如鄉射之禮

大射正射人之長者  
也如鄉射之禮者燕

為樂卿大夫宜從其禮也如者如其告弓矢既具至退中  
與算也納射器而張侯其告請先於君乃以命賓及卿大  
夫其為司正者亦為司馬君與賓為耦鄉射記曰自君射  
至龍旛亦其異者也薦旅會乃射者是燕射主於飲酒  
(疏)正義曰注記曰校勘記曰曰集釋作云案戴氏以云為  
衍文云大射正射人之長者也者釋官曰司射之為  
大射正於此經見矣賈疏以為大射之時大射正不同為  
司射非也說詳大射儀云如鄉射之禮者燕為樂卿大夫  
宜從其禮也如者如其告弓矢既具至退中與算也者敖  
氏曰此記及鄉射記言君燕射之儀與大射儀略同乃云  
如鄉射之禮者以其惟一侯侯道五十弓而射器皆在堂  
面也如是則自君之外凡他禮與鄉射大同小異而於大

射則或有不可以相通者此所以惟蒙鄉射禮也先徹階  
閒之縣遷於東方乃張廋侯納射器其再射即用樂行之  
亦其異者案鄉射告弓矢旣具是初射時事退中與筭是  
三番射訖時事注舉此者明經如此自初射至射訖皆如  
鄉射之禮也云納射器而張侯其告請先於君乃以命賓  
及卿大夫其爲司正者亦爲司馬君與賓爲耦鄉射記曰  
自君射至龍旌亦其異者也者敖氏曰注云納射器而張  
侯其爲司正者亦爲司馬君與賓爲耦言其與鄉射同者  
也云其告請先於君乃以命賓及卿大夫言其與鄉射異  
者也又云鄉射記自君射至龍旌亦其異者也詳其意蓋  
謂國中若郊若竟君皆得而燕射如鄉射之禮惟旌與中  
則異於鄉射者也此意與彼記之注不同疑此爲得之但  
其前以鄉射禮爲據謂此亦納射器乃張侯似未爲當鄉  
射於納射器之後云命張侯者謂繫左下綱耳非謂始張  
侯也恐不必以之爲據此禮則當先徹階前之縣遷於東  
方乃始張侯赤質并繫左下綱其侯道亦惟五十弓而  
已旣張侯乃納射器其節蓋與鄉射不得不異鄭氏於此  
蓋偶考之不詳耳云薦旅食乃射者是燕射主於飲酒者  
李氏如圭曰大射主於射大夫未舉旅則射行葦之詩王  
肅以爲燕射於燕旅酬後爲之春秋傳襄公二十九年晉

自前工事  
范獻子來聘公享之射者三耦亦燕射也張氏爾岐曰若  
者不定之辭或射或否唯君所命若不射則主人獻旅食  
後賓卽脰觶舉酬注云薦旅食乃射是燕射主於飲酒者  
對大射主於射未爲大夫舉旅卽射也褚氏寅亮曰亦大  
判言之如鄉射耳其實異者正多卽注亦略舉其一二端  
餘則讀者以意求之可也吳氏廷華曰大射先行燕禮此  
因燕而射乃不行大射禮而如鄉射之禮者蓋大射禮旣  
重且繁不如鄉射之稍省也案義疏曰注據庭中無侯至  
納射器乃張之非如鄉射之繫左下綱也賈疏以大射納  
射器無張侯之事故特言之非矣大射始張侯不繫左下  
綱則納射器後亦必有張  
左下綱之事文不具耳

### 右因燕而射以樂賓

賓降洗升脰觶于公酌散下拜公降一等小臣辭賓升再

拜稽首公荅再拜

此當言脰觶酬之禮皆用觶言觶者字

爾

疏

正義曰李氏如圭曰賓受公賜多矣禮將終故脰觶以序厚意敖氏曰脰觶于公乃下大夫之事而賓於

是時爲之者不敢以賓自處恭敬之至也執觶以下如下  
大夫媵觶者之爲但拜於西階下異耳公降一等者重其  
媵觶之禮也賓從命則公升矣凌氏釋例曰前三次舉旅  
行酬皆二大夫媵此以賓媵觶者禮以相變爲文也吳氏  
廷華云賓主獻酬不敢亢禮於君也但公既酬賓賓亦當  
酬公彼此相酬仍近於亢故於旅酬之末行之不言酬而  
言媵謙若下大夫之爲亦不敢亢之意案義疏曰媵觶於  
無算爵之先其禮已殺乃賓必下拜公且降一等辭者尊  
賓三答拜俱應降席而經無文則禮漸殺可知據下受公  
賜者亦就其席坐行之此其證也至受者就席未詳其人  
要不外卿及大夫耳又鄉飲酒禮受酬者自介右衆受酬  
者受自左此經士受酬與衆等則受自左也故右大夫執  
爵者序端益待事者司正其準也

注云媵觶爲媵觶者說已見前

**賓坐祭卒爵再拜稽首**

**公荅再拜賓降洗象觶升酌膳坐奠于薦南降拜小臣辭**

**賓升成拜公荅再拜賓反位**

反位反席也今文曰洗象觶

**(疏)**

正義曰敖氏曰賓坐

祭卒爵再拜稽首此拜不下者拜受拜既本同一節不敢再煩君命也賓降奠角觶于篚乃洗象觶此降拜已再拜



稽首故下云成拜盛氏曰此降拜亦未拜也凡賓下拜之禮無論已拜未拜聞君命卽升升又再拜經於此或言升成拜或言升再拜稽首文互異耳敖說太泥賓於下必再拜稽首而後升成拜者惟初受公酬之時爲然餘則否褚氏寅亮云前公酬賓升成拜與君行禮之始此賓媵公而升成拜與君行禮之終

解興唯公所賜至此又言興者明公崇禮**疏**正義曰敖氏

士而所賜則不及之以其賤而在下也郝氏曰此君爲士

舉旅而不卽賜士由貴逮賤也前此君三舉旅一爲賓再

爲卿三爲大夫未及士以下故因賓媵之爵再舉旅以終

惠也方氏苞云賓尊獨伸卿大夫莫與之並故旅酬之終

賓媵解以致敬於君君卽取所媵之解以賜卿大夫使遞

酬以及於士以示君於羣下一視同仁而賓之敬亦達於

上下矣注云至此又言興者明公崇禮不倦也者李氏

如圭曰旣燕坐而又言興明不倦矣方氏苞曰二大夫媵

解之始君坐取解至是復坐取解禮以嚴終說屢升堂坐

而行爵無算易至怠忽故君先自力於禮以教之肅也

受者如初受酬之禮

**疏**正義曰敖氏曰初受酬者賓也張氏爾岐曰如其自賓降至進受虛

也爵降更爵洗升酌膳下拜小臣辭升成拜公荅拜乃就席

坐行之坐行之若今  
坐相勸酒  
**疏**正義曰敖氏曰曷者三舉解其末皆云如初此乃別云更爵洗蓋先

時公或命之勿易解此則全不命之亦以禮殺也注云坐行之若今坐相勸酒者韋氏協夢云旅酬禮坐行之者

以是時已燕坐也燕有執爵者士有盥升主  
**疏**正義曰李氏如圭曰

前舉旅皆酬者自酌至此有士執爵行之敖唯受于公者

氏曰坐而行酒故須有執爵者代酌授之拜公所賜者也  
**疏**正義曰郝氏曰唯最初一人受公賜爵其餘則否者拜其餘執爵者所送皆就席坐飲不

拜也司正命執爵者爵辭卒受者興以酬士欲令  
**疏**正義曰

爵辭卒受者興以酬士謂行爵已辭於堂上則告大夫卒受者使之興以酬士司正以是命執爵者也必命執爵者

告之者倘有未知者也是後則司正不命而執爵者亦不復告之張氏爾岐曰前三舉旅皆止於大夫今為士舉旅

故命之相旅固司正執也執爵者爵辭卒受者興以酬士即其命之之辭盛氏世佐曰是時司正蓋升于西階西北

虞豐氏義卷上二燕二

面命執爵者命訖還立序端以相旅與吳氏廷華曰執爵者非大夫卒受者乃大夫命命執爵者轉命大夫也使卒受者酬士耳下節  
即所命之實也 大夫卒受者以爵與西階上酬士士升

大夫奠爵拜士荅拜

興酬士者士立堂下無坐位

疏

正義曰敖氏曰於是執爵者降以已

亦當與

大夫立卒爵不拜實之士拜受大夫拜送士旅于

西階上拜

祝史小臣旅

疏

正義曰李氏如圭曰庶子以下未獻故亦未酬無算爵乃及之

敖氏曰其旅皆如大夫酬士之儀卒受者亦以解降奠于簠焦氏以恕曰案下章主人獻庶子于阼階上如獻士之禮又獻左右正與內小臣皆于阼階上如獻庶子之禮又鄭氏謂獻正下及內小臣則磬人鍾人鐃人鼓人僕人師僕人正盡獻可知也夫阼階西階所以別外內臣也而均之在堂上則同若拘旅食不升獻亦不升旅之說則凡為外內之從官皆得升旅於堂上而獨置旅食者恐非為士舉旅之禮意故鄭說為不易矣褚氏寅亮曰旅食已得獻則旅酬及之故注云皆及焉但細玩經文上云士旅于西階上拜者似專指士故言拜而不言卒至士旅酌卒始

士旅酌

疏

正義曰焦氏以恕  
云有疑此節專指

左遂旅於下也觀此則旅食者之旅酌于西階上益明矣

卒疏

正義曰盛氏世佐云  
旅畢司正降復位

旅酬

遂獻左右正與內小臣皆于阼階上如獻庶子之禮

掌庶子

六牲之體及舞位使國子修德學道世子之官也而與膳宰樂正聯事樂正亦教國子以舞左右正謂樂正僕人正也小樂正立於西縣之北僕人正僕人師僕人士立於其北北上大樂正立於東縣之北若射則僕人正僕人士陪於工後內小臣奄人掌君陰事陰令后夫人之官也皆獻於阼階上別於外內臣也獻正下及內小臣則磬人鍾人養蠶王褒卷之六十二燕二

鑄人鼓人僕人之屬盡疏正義曰校勘記云注立於東縣  
獻可知也凡獻皆薦也疏之北立誤作令鑄人陸氏曰本  
又作鑄下同案諸本鑄鑄襍出後不悉校凡獻皆薦也薦  
誤作爵胡氏肇昕云亦學國子以舞學當作教各本作教  
云庶子掌正六牲之體及舞位使國子修德學道世子  
之官也者此約周禮諸子職之文云而與膳宰樂正聯事  
樂正亦教國子以舞者以掌正六牲之體是與宰聯事掌  
舞位使國子修德學道是與樂正聯事也敖氏曰庶猶眾  
也庶子謂卿大夫士之子周官亦多以庶子繼士而言指  
此者也燕義以此爲諸子之官似失之獻之于阼階上變  
於其父所飲之處也庶子未必皆有爵乃先左右正獻之  
者明不與之序也盛氏曰周禮宮伯職云掌王宮之士庶  
子凡在版者大司馬職云王弔勞士庶子則相又云大會  
同則帥士庶子而掌其政令司士職周知卿大夫士庶子  
之數酒正職其饗士庶子之酒凡此皆以庶子繼士而言  
謂卿大夫士之支庶也以其貴遊子弟且有宿衛之勞故  
獻之以其未有爵命故得獻在士後以其爲宮眾故獻于  
阼階上若燕義所謂庶子官卽周禮之諸子也爲其掌庶  
子之戒令教治故以名其官其職與司士相連其爵爲下  
大夫於諸侯則上士也其位當在西方東面亦當在阼階

上不於此也釋官曰庶子見禮記文王世子及燕義其職與周禮諸子同燕義云古者周天子之官有庶子官職諸侯卿大夫士之庶子之卒掌其戒令與其教治別其等正其位鄭注庶子猶諸子也燕禮有庶子官是以義載此以爲說今案燕義本釋燕禮之事燕禮有庶子執燭及獻庶子之文記人欲釋其義故取天子諸子職解庶子諸庶訓皆爲衆天子之諸子諸侯之庶子皆掌國子國子衆多故云諸或言庶諸庶通名燕義因諸侯言庶子欲見庶子與諸子一耳文王世子云庶子之正於公族者教之以孝弟睦友子愛明父子之義長幼之序諸侯之庶子兼掌公族子弟及卿大夫士之適子詩魏風有公族之官卽此以其主正於公族故又名公族春秋時唯晉有此官而爵爲大夫不如禮也經云如獻士之禮則庶子爲士明矣獻不于面階于阼階上者下云庶子執燭于阼階上則其位在此以庶子主公族同姓之官又設折俎與膳宰聯職故屬主黨也經義閻斯錄曰或疑鄭以此經庶子如周禮之諸子故賈疏云天子謂之諸子諸侯謂之庶子也但考周禮諸子下大夫二人掌國子之戒令教治職旣重而位亦尊矣且其職云大祭祀正六牲之體未嘗云王燕則正六牲之體也使諸侯之官降于天子一等亦當爲上士今乃於士

旅酌卒始獻之而云如其禮大射儀又云士旅酌若命曰復射則不獻庶子是其人更輕於士故與左右正內小臣相次也大射獻賓獻公皆宰胥薦脯醢庶子設折俎獻服不則宰夫有薦庶子諸折俎燕與大射又皆云宵則庶子執燭于阼階上司宮執燭于西階上甸人執大燭于庭閭人執大燭于門外夫府史胥徒庶人在官者內小臣閭人又刑餘之輩耳柰何天子教國子之大夫在侯國者名同職同而位額下儕於庶人在官及刑餘之輩哉考之周禮宮正宮伯皆宮中之官宮伯職云掌王宮之士庶子後鄭云王宮之士謂王宮中諸吏之適子也庶子其支庶也始卽此經之庶子與曰官有長有貳燕與大射禮大事繁故在公者長貳及府史胥徒皆趨事篇中有長貳並言者大射正小射正大樂正小樂正大史小史司馬正司馬師小臣正小臣師僕人正僕人師是也亦有不並言者長事多而貳事少則貳別言之如燕禮小臣師一人在東堂下卽知其餘言小臣皆長也燕禮記云羞卿者小膳宰也又云凡薦與羞者小膳宰也禮不備者記補之貳事多而長事少則長別言之如大射庶子正徹公俎卽知其餘言庶子皆貳也考天子諸子下大夫二人中士四人諸侯降等則庶子長當爲上士貳當爲下士下士則獻於獻士之後而

與司宮同掌執燭不亦宜乎況禮有胥有宰胥有宰夫有  
司有小臣師從者及工人士隸僕人等皆其官之屬吏府  
史胥徒之類則安知設俎執燭者非庶子之屬吏而文有  
不備邪庶子非官故獻之在士之後如士禮耳或疑司宮  
卽周禮之宮正職云宮中廟中則執燭者考宮正有上士  
二人中士四人下士八人府二人史四人胥四人徒四十  
人則執燭者或亦其屬爲之故與庶子聯事也褚氏寅亮  
曰庶子官燕義有明文不知後儒何故必不信禮記而以  
卿大夫士之子當之卿大夫士之子苟無其位必不與燕  
旣有列於位獻當從其爵豈宜在旅食後注是也唯注以  
左右正爲樂正則未敢深信蓋獻大小樂正亦不應在旅  
食後竊疑左右正如宮正等官與內小臣一類夫人之官  
也庶子爲世子之官左右正內小臣爲夫人之官故不論  
爵而最在後獻之且不與旅云左右正謂樂正僕人正也  
小樂正立於西縣之北僕人正僕人師僕人士立於其北  
北上大樂正立於東縣之北若射則僕人正僕人士陪於  
工後者李氏如圭曰云左右正則二樂正分居東西各監  
一縣也僕人亦相工者工席在西階上僕人宜近其事故  
立於西縣南北統於堂案鄉射禮射時遷樂于下工降阼  
階下之東南面面北上坐樂正北面立于其南燕禮若射



則是時僕人陪于工後亦在樂正之北也張氏爾岐曰左  
右正據庭中之位而言大樂正在東縣北故曰左正僕人  
正在面縣北故曰右正釋官曰此篇以經考之不見有兩  
樂正注誤賈疏引大射鄉射況之不知燕時或射或否不  
定未可據爲左右之名鄉飲酒記云衆賓立者東面北上  
樂正與立者皆薦以齒鄉射記云樂正與立者齒注尊樂  
正同於賓黨然則樂正之位當在西方不當于阼階上獻  
之明矣經獻左右正與內小臣同處疑左右正卽小臣僕  
人之官侍從於君而位在阼階上者周禮有大僕小臣皆  
僕官諸侯以小臣兼大僕掌正君之服位在君左右故謂  
之左右正書立政云左右攜僕是其證也又案上云祝史  
小臣師亦就其位而薦之是小臣既受獻矣此所獻者蓋  
其正小臣正相君出入君之大命在君左右故于阼階上  
獻之不然此篇及大射俱云獻小臣師而不及小臣正何  
與以此益見左右正爲小臣之屬矣胡氏肇昕曰敖氏郝  
氏說皆與注殊敖氏曰左右正未詳其官然與內小臣同  
獻則意其亦爲內臣也郝氏曰左右君左右詩曰膳夫左  
右正長也盛氏亦曰左右者侍御近習之臣而正則其長  
也左右非一故不言其官然以詩書考之雲漢以膳夫共  
稱立政與攜僕並數則其職掌亦略可見矣云內小臣奄

人掌君陰事陰令后夫人之官也者周禮內小臣職文釋  
官曰案周禮內小臣與寺人別官諸侯亦有內小臣與寺  
人別詩秦風云寺人之令毛傳云寺人內小臣非也內小  
臣又謂之巷伯箋云巷伯內小臣也奄官上士四人掌王  
后之命于宮中爲近故謂之巷伯是也左傳襄九年令司  
宮巷伯儆宮杜注孔疏解司宮爲內小臣而以巷伯爲寺  
人皆誤又案內小臣左傳國語亦單言小臣左傳僖四年  
云與小臣小臣亦繁晉語說此事云飲小臣酒亦繁韋注  
小臣官名掌陰事陰令闕士是也又公食大夫禮稱內官  
之士卽此云皆獻於阼階上別於外內臣也者張氏爾岐  
曰在鄉遂采地者爲外臣在朝廷者爲內臣庶子以下皆  
人君近習故云別於外內臣也案張氏惠言曰大射注云  
三官獻於阼階上別於外內臣也是以三官爲內臣別於卿  
大夫之外臣也此非鄭意盛氏曰庶子以下皆扈衛親近  
之臣故皆獻之於阼階上經不著其入門位次者以其本  
在門內故也其位蓋在東方北面北上云獻正下及內小  
臣則磬人鍾人鐃人鼓人僕人之屬盡獻可知也者周禮  
磬師中士四人下士八人鐃師中士二人下士四人鼓人  
中士六人諸侯  
竝以下士爲之

右主人獻庶子以下於阼階

無算爵

算數也爵行無次無數唯意所勸醉而止

士也有執膳爵者有執散爵

者

正義曰放氏曰亦各序進盥洗其解以升郝氏曰士也謂執爵皆士也膳爵君之爵散爵賓卿大夫之爵

方氏苞曰特表其為士以事之終或疑使無位者代其勤也自大夫以上皆得親與君為禮士則受酬於大夫並不得與公卿接故於禮終使二士執無算爵不惟執膳爵者

得徑進于公即執散爵亦先進于公而公親命之以賜公卿所以作其志氣而厲其節行也士位在堂下而獻必于

阼階上亦此義也獻執爵者無文何也該於上經辯獻士也褚氏寅亮曰上賡解以大夫此執膳爵者酌以進公公不

則以士且變文曰執爵禮殺者也

拜受

正義曰郝氏曰酌以進公酌膳尊不拜送也韋氏協夢曰前大夫賡解及賓賡解皆于阼階下再拜

稽首公答再拜然後奠解于薦南此士不拜送故公亦不拜受不拜送者士賤不敢與公為禮也

者酌以之公命所賜

疏

正義曰郝氏曰酌以之所賜者與公酌方壺往俟君命也

受爵降席下奠爵再拜稽首公荅拜

席下席而也古文曰公荅再拜疏正義

曰敖氏曰降降席也

此不降階而惟拜於席下者宜別於

公所親酬者也

注云席下席面也者李氏如圭曰前受

公爵者皆降拜升成拜至此拜下而已

席以東為上統于

君注引古文作再拜者姜氏曰大射嚴君臣之禮尚有再

字燕禮可知當從古文盛氏曰案經但云荅拜者荅一拜

也燕禮貴和君子臣皆荅再拜姜說得之胡氏承琪曰案

此經注疑有脫誤經文當是公荅再拜注云古文曰公荅

拜蓋凡臣再拜稽首公皆荅以再拜有但言公荅拜者省

文耳若古文明云公荅再拜鄭不應反從今文去再字又

大射儀此節亦云公荅再拜知此經文亦必有再字但賈

疏標目已如今本則其誤久矣褚氏寅亮曰古文云

公荅再拜注不從者以此時禮殺止荅降席之拜也

受賜

爵者以爵就席坐公卒爵然後飲

不敢先虛爵明此疏正義

曰敖氏曰異觶並行而代舉君臣之禮受賜爵者不先卒

爵而俟者膳酒之酌久矣不必先飲之也士相見禮言卒

爵而俟者始飲酒執膳爵者受公爵酌反奠之

宴歡在於

若為君嘗之者然

飲酒成其

義禮曰奠

卷十一燕二

三

意疏正義曰敖氏曰未當公飲之節故奠之此不言所奠

公既卒爵不以降奠于篚而復實之者欲公重舉此解也

不與散爵竝行而反奠于君所者象解非臣所飲也方氏

苞曰此爵公終不舉而奠之何也奠之而受賜爵者與授

公不舉以示飲有秩節而無醉飽之心也

執敬爵執散爵者乃酌行之予其所勸者疏正義曰敖氏曰大

此脫一者字案戴校集釋補者字○敖氏曰必與授者以

歸者亦與受也非賜爵者受授則皆坐酌者酌散也行之

謂每授之於席也受賜爵者若賓也則此解先以之諸公

若卿受賜爵者若諸公若卿若大夫也則此解先以之賓

餘皆以次行之惟己飲賜爵者則不復授之褚氏寅亮曰

此禮無算爵止一爵序酬無兩爵錯酬之儀吳氏廷華曰

與授爵者尊君賜也唯受爵于公者拜卒受爵者與以酬士于西階

上士升大夫不拜乃飲實爵乃猶疏正義曰李氏如圭曰

不使執爵者不以己尊孤人也前為士舉旅時大夫猶拜

至此不拜禮又殺義疏曰公所賜諸節亦俗卿席以明之

卒受者經未詳其人據下言大夫故以為大夫之節敖氏曰大夫自實爵旅酬之禮也於是執爵者降以酬者自酌且已亦與旅也張氏曰此實爵士不拜受爵大夫就席士當是大夫自酌與之不使人代

旅酌亦如之

正義曰敖氏曰如其不拜而飲不拜而受及自酌也張氏爾岐曰亦旅于階上而不

拜也公有命徹冪則卿大夫皆降而階下北面東上再拜稽

首公命小臣辭公荅再拜大夫皆辟

命徹冪者公意殷勤必盡酒也小臣辭不

升成拜明雖醉正臣禮也不言實賓

兩義曰敖氏曰冪

冪者命執冪者遂徹之也徹之者示與臣下同此酒不自異也在堂者皆降拜謝君意也士不拜賤不敢與君為禮也云有命又云則見其然否不定也徹冪之節其在大夫就席之時乎辭者辭之使升拜辭之而不敢從命小臣以復于公公乃荅拜卒拜于下而不升成拜臣之正禮也必辭之者以賓在其中也賓與羣臣皆卒拜于下禮宜然也於此云辟者嫌旅拜則不必辟也不言賓及諸公文省凡小臣辭皆公命之經特於始末兩著之以見其餘也褚氏

寅亮日徹幕在大夫旅畢士初行旅之時韋氏協夢云則者承上之辭見公有命徹幕卿大夫即降拜也敖氏謂見其然否不定之辭似未然方氏苞曰君命徹幕使羣臣盡膳尊而卿大夫降拜反坐不復行爵士終旅是至此士亦酌膳以相酬也蓋賓與卿大夫各受特賜之膳爵脫履升堂又酌膳坐行以徧故不敢專君之惠而均諸羣士貴臣推賢讓能不敢賴寵之義也燕之初卿大夫獻酬皆以散至末而羣士皆飲膳示君之馭臣名分則親貴不敢假恩義則疎賤不敢遺惟嚴於始乃可以厚終也禮之起教於微渺類如此注云命徹幕者公意殷勤必盡酒也者李氏如圭曰卿飲酒賓至則徹幕者酒賓主共之君專大惠其尊恐塵加之故有命乃徹之云小臣辭不升成拜明雖醉正臣禮也者方氏苞曰公不命升成拜何也此禮終而總拜君之賜也異國之賓明日拜賜君不復見而聽其稽首于門外故本國之臣聽其稽首于階下而不復命之升成拜蓋以朝夕君所之人而拜賜于明日是自同於國客也故必變其節而後各明其義焉云不言賓賓彌臣也者以經但言卿大夫不言賓是賓彌自卑同於臣也云君荅荅拜於上示不虛受也者燕義云禮遂升反坐士終旅于無不荅言上之不虛取於下也是也

上如初

卿大夫降而爵止於其反席卒之

**疏**

正義曰張氏爾岐曰士方酌

拜訖反席士復終旅于西階上褚氏寅亮曰上已言士旅酌亦如之矣復言此者見士旅時有公命徹幕卿大夫降

拜士皆止爵之事故俟其反坐而終旅也朱子曰案此士方旅酌而大夫降則爵止不行公辭而大夫復升士乃終

旅於上也無算樂

升歌間合無數也取

**疏**

正義曰注云其樂章亦然者明所用者不

已也但鄉樂

### 右燕末無算爵無算樂

宵則庶子執燭于阼階上司宮執燭于西階上甸人執大

燭于庭閭人爲大燭于門外

宵夜也燭燹也甸人掌其薪蒸者庭大燭爲位廣也閭人

門人也爲作也作

**疏**

正義曰校勘記曰閭人爲大燭于門外唐石經無大字案大射亦無大字

注云宵夜也者歐陽氏修曰燕禮有宵則設燭之禮是古雖以禮飲酒有至夜者所以申燕私之恩盡殷勤之意



盛氏曰燕禮行於朝退之後而賓主獻酢之節又繁不繼以火則不能盡歡故詩與禮皆有夜飲之事若飲於臣家則不可春秋傳載齊敬仲飲桓公酒而曰臣卜其晝未卜其夜是也云燭燹也者少儀云主人執燭抱燹鄭注未熟日燹但在地曰燎執之云燭詩庭燎之光傳云庭燎大燭也箋云於庭設大燭周禮司烜氏云凡邦之大事其墳燭庭燎故書墳爲蕢鄭司農曰蕢燭麻燭也賈疏云古者未麻燭庭燎所作依墓容所爲以蕢爲中心以布纏之節蜜灌之若今蠟燭陳氏奐毛詩傳疏曰賈說非也荅伯傳使執燭放乎旦而薪盡是薪蒸與麻蒸皆爲燭庭燎爲大燭亦猶是爾吳氏廷華曰注以燭爲燹疏引少儀抱燹注謂未熟曰燹是燹特燭之未熟者耳此云執燭則已熟矣據司烜疏謂人所執者用荆燹爲之案周禮荳人注引喪禮楚煇證之以楚煇卽契所用灼龜燹謂炬其存火則燹是已灼之炬此注以燭爲燹亦指已熟者與少儀未熟之說不符據曲禮注云古未有燭以大炬照夜此疏亦謂古無麻燭而用荆燹則燹當如荳氏燹契蓋燹薪之燹卽木耳彼疏謂鄭音爲爵取莊子燭火之義瑩瑩然也荆燹爲可然之木未熟則爲木其名曰燹已熟則爲燭此注以燭爲燹蓋推其未熟者言之要知燭與大燭皆是荆燹之已

熱者但大小有別耳至大燭庭燎之分據此經大燭在庭則門內亦曰大燭不必曰庭燎矣余謂諸經多言執燭不聞有執庭燎者大約燭可執燎不可執司烜燭可執之燭也庭燎不可執之燭也在庭故稱庭燎及司烜庭燎是也若在門則亦稱門閭人門燎是也則司烜注門內門外之說固不足憑毛鄭詩說亦有未盡也釋官曰先鄭注周禮云庶子宿衛之官周禮宮正職云國有故則令宿後鄭注引文王世子曰公若有出疆之政庶子以公族之無事者守於公宮正室守太廟諸父守貴宮貴室諸子諸孫守下宮下室是諸侯之庶子掌宿衛與宮正同此經云執燭于阼階上周禮諸子職無執燭之文宮正職曰宮中宗中則執燭然則諸侯兼官庶子又兼周禮宮正之職與云甸人掌其薪蒸者釋官曰左傳云甸設庭燎是執燭于庭其職也周禮甸師掌帥其徒以薪蒸役外內饗之事國語甸人積薪韋注甸人掌薪蒸之官與注合云閭人門人也者釋官曰周禮閭人職曰大祭祀喪紀之事設門燎凡賓客亦如之閭人所掌同鄭注周禮云閭人司昏晨以啟閉者刑人墨者使守門春秋閭弑吳子餘祭公羊以爲近刑人左傳鬻拳自刑楚人以爲大閭實醉北面坐取其薦脯以是諸侯閭人亦使刑人爲之也

降取脯重疏正義曰郝氏曰賓醉燕以醉爲節眾出以賓

夜飲不醉無歸又曰醉而不出是奏疏出奏疏夏樂章也賓

謂伐德故賓出必以醉爲節也節也凡夏以賓所執脯以賜鍾人于門內雷遂出必賜鍾

掌以鍾鼓奏九夏今奏疏以節己用賜疏正義曰注云必

以鍾鼓奏九夏者釋官曰周禮鍾師掌金奏凡樂事以鍾

鼓奏九夏諸侯鍾人所掌同云今奏疏以節己用賜脯以

報之明雖醉不忘禮者敖氏曰此非擊鍾以奏疏之鍾人

乃其黨之在旅食之位者先立於此因過而賜之以其同

事也方氏苞曰工笙竽受獻不立獨遺於金奏故賓以薦

脯賜之九夏皆以鍾鼓奏而所賜惟鍾人以鍾師掌金奏

之鼓別無鼓人也賓及門內雷則奏疏者尙未離庭中之

位所受特其黨之立于門內者耳蓋以爲禮也非飲食之

徹府史胥徒皆取分焉故以賓脯賜鍾人見其凡焦氏以

恕曰賓出奏疏以金聲玉振例之迨其至門內雷之時則

終擊而親授之此一說也或賓出至此明言賜之置諸

鐘人之旁側俟其終擊而取之亦一說也鐘人談有從者  
相之責過而予之以賜鐘人如敖氏所擬又一說也賓自  
命從者徐以賜鐘人而已先至于門外亦又一說也經不  
具說耳胡氏肇昕曰此不過言以薦脯賜掌鐘鼓奏九夏  
者耳言鐘人以概其餘也不然奏九夏者非獨一鐘人賓  
何爲獨用賜脯以報之餘也敖氏擬議過拘焦氏尤爲詞費古  
文賜作錫者胡氏承珙卿大夫皆出隨賓公不送賓禮訖  
曰案賜正字錫段借字出也公不送是臣也  
**疏**正義曰敖氏曰公與其臣燕而不送者以其不爲獻主  
也若於異國之臣雖不爲正賓君雖不爲獻主猶送之  
郝氏曰賓本臣始無迎終亦無送也淩氏釋例曰凡君與  
臣行禮皆不送燕禮大射儀賓出公不送覲禮侯氏出經  
不送天子尊故不送也是臣與君行禮皆不送也又士相  
見禮士見于大夫若嘗爲臣者賓出使擯者還其贄于門  
外考經文但云還贄于門外不云送是主人不送也士見  
于大夫賓退送再拜是賓主之禮此嘗爲臣者不送則君  
臣之禮也又君賜之食君若降送之則不敢顧辭遂出大  
夫則辭退下比及門三辭注不敢辭其降於己太崇不敢  
當也下亦降也疏云士卑不敢辭降大夫之內兼三卿五  
大夫臣中尊者亦得辭降也竊謂燕禮大射賓入不迎及

庭公但降一等揖之然則賓出不送公亦當降一等揖之  
此經之賜會亦是燕類經云君降送之蓋亦降一等與敖  
氏曰送之亦當至門又曰大夫起而退則君與下階則君  
降及門則君送於此三節皆辭之故曰三辭其說皆非也  
經云三辭即終辭也終不敢當君之降及門指大夫而言  
非君送至門也君但降而已不送至門證以燕禮大射則  
禮之通例明矣又士昏禮親迎賓出婦從降自西階主人  
不降送注主人不降送禮不參此因婿與女行禮故女父  
不送非君  
臣之禮也

### 右燕畢賓出

公與客燕

謂四方之使者

疏

正義曰賈疏云此下論與異國臣將燕使卿大夫就館戒客之辭事但燕

異國卿大夫與臣子同唯戒賓為異故於禮末特見之也

曰寡君有不腆之酒以請吾

子之與寡君須臾焉使某也以請

君使人戒客辭也禮使人各以其爵寡鮮也猶

言少德謙也腆善也上介出請入告古文腆皆作珍今文皆曰不腆酒無之

疏

正義曰注云禮使人各以其爵

者公食大夫云使大夫戒各以其爵是也云上介出請入告者亦約公食大夫之文云腆善也又云古文腆皆作殄今文皆曰不腆酒無之者胡氏承琪曰腆正字殄古文段借字詩新臺籛條不殄箋云殄當作腆腆善也與此訓同毛詩古文段殄爲腆與禮經古文亦同胡氏肇听曰此鄭參合古今文而酌用之也古文作殄段借字故從今文作腆今文無之文不

**對曰寡君君之私也君無所辱賜于使**

**臣臣敢辭**

上介出荅主國使者辭也私謂獨受恩厚也君無所爲辱賜於使臣謙不敢當也敢者怖懼用

勢決

**疏**正義曰按勘記曰注謂獨受恩厚也敢者怖懼用

之辭

**疏**集釋通解俱作受謙不敢當也敢誤作告云私

謂獨受恩厚也者李氏微之曰私之言屬也謙詞也春秋

傳載叔孫穆子之言曰邾滕人之私也我列國也何故視

之茅夷鴻告吳人之言曰魯賦八百乘君之貳也邾賦六

百乘君之私也此可見矣敖氏曰客自謙不敢以敵國之

使自處故云然云敢者怖懼用勢決之辭者謂閭命怖懼

用勢直決之辭也褚氏寅亮曰或晉使聘于邾滕豈有反

自稱其君爲私屬

**寡君固曰不腆使某固以請寡君君之**

之謂敖氏同誤

**寡君固曰不腆使某固以請寡君君之**

私也君無所辱賜于使臣臣敢固辭

重傳命固如故

疏

正義曰張氏爾岐曰

使者重傳命戒客客重使上介致辭

寡君固曰不腆使某固以請某固辭不

得命敢不從

許之也於是出見主國使者辭以見許為得命今文無使某

疏

正義曰張氏爾岐曰

使者三請而客許之今文無使某鄭不從者無使某則文不備且上兩請皆有使某也

致命曰寡君

使某有不腆之酒以請吾子之與寡君須臾焉

親相見致君命辭也

君貺寡君多矣又辱賜于使臣臣敢拜賜命

貺賜也猶愛也敢拜賜命

從使者拜君之賜命猶謙不必辭也

疏正義曰此賓對使者之辭也敖氏曰

於是大夫還賓遂從之

# 右公與客燕

記

燕朝服于寢

朝服者諸侯與其羣臣日視朝之服也謂冠

今辟雍十月行此燕禮

疏正義曰注云謂冠玄端緇帶

端而衣皮弁服與禮異也

疏正義曰注云謂冠玄端緇帶

士冠禮之文放氏曰朝服兼君臣而言也玄端玄冠素裳

緇帶素鞵白履士之朝服也大夫冠衣之屬皆與士同惟

襍帶以玄黃為異若人君則又朱綠帶也其餘亦與士同

玉藻曰大帶四寸襍帶君朱綠大夫玄黃士緇帶二寸再

纁四寸是其異也云燕於路寢相親昵也者燕以娛賓取

其和樂故饗於廟而燕則於寢相親昵之美也引漢法者

見所服者與經所言或異也吳氏廷華曰據士冠禮素裳

白履乃皮弁服之制朝服並未言白履也案特牲記朝服

玄冠緇帶緇鞵可見朝服鞵色原無一定玉藻諸侯朝服

視朝為玄冠緇衣素裳鄭主裳履同色之說故注此云白

履非其牲狗也狗取擇人也明非疏正義曰校勘記曰此

也其人不與為禮也節經注今本並脫經

唐石經徐本集釋楊氏敖氏俱有注亨于門外東方門外

臣所疏正義曰賈疏云此與公食皆君禮故言于門外鄉

掌也飲亨于堂東北不在外者臣禮宜主人親供也敖



氏曰門外東方爨所在也故於房亭之古者  
寢廟之門外皆有爨吉則在東凶則在西  
若與四方之

賓燕則公迎之于大門內揖讓升四方之賓謂來聘者也

食亦告饌具而後公即席小疏正義曰張氏爾岐曰告饌

臣請執冪請羞者乃迎賓也疏具設執冪等又公食所無

凌氏釋例曰凡燕四方之賓客略如燕其臣之禮  
賓為苟敬席于阼階之西北面

有胥不嘑肺不啐酒其介為賓苟且也假也主國君饗時

焉人臣不敢褻煩尊者至此升堂而辭讓欲以臣禮燕為

恭敬也於是席之如獻諸公之位言苟敬者賓實主國所

宜敬也胥折俎也不嘑啐似若尊者然也介門西北面而

上公降迎上介以為賓揖讓升如初禮主人獻賓獻公既

獻苟敬乃勝觚羣疏正義曰校勘記曰注主國君饗時饗

臣即位如燕也疏徐本作鄉釋文集釋通解楊氏俱作

饗陸氏曰或作鄉非案疏亦作鄉然以聘禮記賓為苟敬

注考之作饗為是彼注與此注文異義同彼言饗食此專

言饗者春秋僖二十五年左氏傳曰晉侯朝王王饗醴命

之有是饗有進醴之事與燕同類故對言之且饗食與燕

其事相連若聘後禮賓自爲一事何容相較乎且聘禮注云今文饗皆作鄉則鄉饗古通用此注卽作鄉亦當讀爲饗不當讀爲鄉也今燕又且獻焉且徐木集釋通解楊氏俱作宐。李氏如圭曰饗食在廟燕在寢饗重而燕輕饗既親獻也故燕以介爲賓而席賓於諸公之坐以介爲賓而後公可以無親獻也苟敬之席在公之左春秋傳宋公與魯叔孫昭子宴飲酒樂宋公使昭子右坐右坐者居公之右改禮坐也不齊啐如卿之禮苟者聊且粗略之意苟敬猶曰殺敬也放氏曰苟誠也實也苟敬者國君於外臣所燕者之稱號也其類亦猶鄉飲酒之介邇矣此燕主爲賓而設賓於是時雖不爲正賓而實爲主君之所敬故以賓爲苟敬也此席當有加席與食禮者同而東上公與賓旣揖讓升公拜至賓荅拜公乃揖賓各就其席公降擯者以命命上介爲賓上介禮辭許再拜稽首公荅拜上介出公乃升就席擯者納賓皆如羣臣爲賓之禮必以上介爲賓者禮君與臣燕其爲賓者不以公卿而以大夫雖燕異國之臣宜亦如之賓卿也上介大夫也此其不以賓爲賓而以上介爲賓也與阼階之西諸公之位也席苟敬於是皆有胥皆尊異之不齊啐者辭正賓又下記言與卿燕則大夫爲賓與大夫燕亦大夫爲賓此以介爲賓固足以明

其卿爲聘使之禮若大夫爲聘使則燕賓其以主國之大  
夫爲之與盛氏曰苟敬之義敖氏得之而其解以賓爲苟  
敬以介爲賓之故則非也蓋燕禮輕於饗而外臣與已國  
之臣又有間若以聘賓爲燕賓公親獻與則賓意既有所  
不安且非所以申款曲致殷勤也使宰獻與則與待已國  
之臣無異又非所以尊賓也於是席之於君側諸公之位  
不啻不啻其禮似殺於賓而折俎之設又有非已國諸公  
所得同者則其敬之也不以文而以實矣故以是名之與  
必以介爲賓者聘禮云于賓壹食再饗介壹食壹饗其與  
賓行禮之時介每爲賓所厭而不得以伸我敬焉故必特  
爲介設壹饗之禮至燕則合之而以介爲正賓則其所以  
待介者亦不薄也此其斟酌尊卑豐殺之安化哉乎賓主  
君臣之道洵有非聖人不能爲者蓋禮以義起而義由內  
出孟子所謂庸敬在兄斯須之敬在鄉人亦此意也豈必  
卿爲聘使而後以其介爲賓哉褚氏寅亮曰如敖說則反  
主爲客矣卽以聘使爲賓亦無所嫌但無苟敬之席耳苟  
敬之席在外臣則聘賓也在本國則諸公也二者之外則  
無矣若公所與燕者或卿或大夫自各從其本位耳朱子  
謂所與燕者雖不爲賓亦當如苟敬恐未然倘有諸公位  
之於何處邪不啻酒則亦不告旨矣胡氏肇所曰此經苟

敬人各爲說說無定論鄭注且假之義郝氏極排之而戴氏震別自爲說以爲說文苟自急救也晉棘父羊省與苟且字不同近時說經者如翁氏方綱陳氏壽祺洪氏頤煊等皆從其說而王尙書經義述間則云敖氏戴氏之說皆非也下文與卿燕則大夫爲賓與大夫燕亦大夫爲賓注曰不以所與燕者爲賓者燕爲序歡心賓主敬也是主人於賓惟主恭敬而少歡心今賓既辭爲賓而就諸公之位則歡心多而敬少既不可專事恭敬又不可全不恭敬故謂之苟敬也聘禮記燕則上介爲賓賓爲苟敬注曰燕私樂之禮崇恩殺敬也賓不欲主君復舉禮事禮已於是辭爲賓君聽之從諸公之席命爲苟敬苟敬者主人所以小敬也是苟敬有崇恩殺敬之義命爲苟敬者所以別於正賓之全主敬也若訓爲主君之所誠敬及自急救而敬賓則與正賓之全主敬者無以異矣非經意也胡氏肇昕曰此解推求經注之義與情事恰合蓋賓席於諸公之位其禮已殺其敬亦殺與鄉飲酒之適者相等飲酒之禮遵者不齊肺不啐酒此注云不齊啐似若遵者然也尊者卽遵者謂此賓似若遵者然也戴氏以說文苟字說之義雖新而與經不合敖氏之說亦牽強至方氏苞謂苟當作考則益穿鑿矣張氏爾岐曰苟敬者坐近君側而簡於禮儀疑

於苟矣實則敬之無膳尊無膳爵降尊以就卑也**[疏]**正義曰注云

故立以為名是也者郊特牲云三獻之介君尊席而酢焉此降尊以就卑也

注本於此李氏如圭曰不自尊別於外臣敖氏曰膳尊瓦

大也膳膏象解也所燕者非己臣子故不立自異然則尊

篚之數皆減矣張氏爾岐曰欲敬異國之賓故不自殊異

也與卿燕則大夫為賓與大夫燕亦大夫為賓燕者為賓

者燕為序歡心賓主敬也公父文伯飲南宮敬叔酒以路

堵父為客此之謂也君恆以大夫為賓者大夫卑雖尊之

猶遠於君今文**[疏]**正義曰注君但以大夫為賓者校勘記

無則下無燕**[疏]**曰但徐本集釋通解楊氏俱作恆與單

疏述注合陳本誤作恆。賈疏云此謂與己臣子燕法朱

子曰公所與燕者雖不為賓亦當如異國之賓為苟敬也

敖氏曰云與卿燕則大夫為賓者嫌為賓或當以所燕者

也公與大夫燕亦大夫為賓者嫌為賓者或當降於所燕者

者一等如上也例也必以大夫為賓者賓位於堂且與君為

禮宜用稍尊者也不以公卿為賓自是明嫌之義敖云以其太尊

也盛氏曰不以公卿為賓自是明嫌之義敖云以其太尊

於主人似曲賓為苟敬唯燕四方聘客則然若己國之臣

各有位次昨階西北面之位非諸公莫敢居也朱子之說亦未能以爲然注引公父文伯者事見魯語今文無則下無燕鄭不從者以其文不備故從古文也吳氏廷華曰聘禮上介鄭注以爲大夫則上介爲賓卽大夫爲賓也方氏苞曰賈疏云不以公卿爲賓者恐逼君古者五十方爲大夫累日積久以至孤卿年必過者七十不與賓客之事亦量其筋力難勝畏逼則聘賓之受饗本國公卿之禮食君親與爲賓主之禮又何以不畏逼乎羞膳者與執簾者皆士也尊君也膳卑於士疏正義曰敖氏曰經但云請見其膏故明記之注云尊君也膳卑於士者盛氏曰士上士也諸侯上士二十七人凡位於西方者皆是膳宰卽周禮膳夫也膳夫上士則膳宰非上士明矣故注云膳宰卑於士釋官曰天子膳夫有上士中士下士諸侯之膳宰以中士爲長亦當有下士爲之佐小膳宰蓋下士之屬經不見羞膳者與執簾者之膏故記特著其爲士羞膳者卽膳宰以下云羞卿者小膳宰參之可見羞膳有常職而執簾者無常職故經特言命執簾者而不言命羞膳者下文薦司正射人及執簾而不及羞膳者正以其膳宰故不自薦又下主人亦膳宰得薦者以其爲主人異之褚氏寅

傳禮記卷之十一

亮曰惟薦則公以士賓以膳宰以見等差至設折俎則同以膳宰矣此言羞膳者士而不別言羞賓之人則亦同君

而以士可知下文云凡薦與羞者小膳宰也言羞卿者小

膳宰也膳宰之佐也疏正義曰張氏爾岐曰以經不辨其人故

氏苞曰特著小膳宰明羞膳與賓者皆膳宰正也若以樂納賓則賓及庭奏肆夏

賓拜酒主人荅拜而樂闕公拜受爵而奏肆夏公卒爵主

人升受爵以下而樂闕肆夏樂章也今以鍾鐃播之鼓

縣與示易以敬也卿大夫疏正義曰敖氏曰君與臣燕不

有王事之勞則奏此樂焉以樂納賓常禮也其或於此

用樂言在君所欲耳及庭而奏肆夏尊賓也未卒爵而樂

闕辭君也必於此而樂闕者亦以其為獻禮一節之終也

公受爵而奏以其獻禮始於此也卒爵乃闕獻禮之終也

此蓋以樂與禮相為終始亦足以見尊君之義矣盛氏

曰以樂與禮相與四方之賓燕也賓即其上介也聘賓

為詩歌公適之于大門內而不以樂其介為賓則亦擯者

納之及庭公降一等揖之而以樂所以寵異之也 注云  
卿大夫有王事之勞則奏此樂非蓋卿大夫有王事之勞  
是公所與燕者也實則他大夫也既不以所與燕者爲賓  
何取乎納賓之時而奏此樂以尊之乎肆夏逸詩也周禮  
大司樂職云尸出入則令奏肆夏又鍾師職以鐃鼓奏九  
夏其二曰肆夏與此名雖同而音節必異若皆頌之族類  
必非諸侯所敢用且彼是迎尸送尸之樂歌而王出入於  
大寢亦用以爲行節燕禮納賓於義何取鄭卽以金奏釋  
此亦誤拜酒謂賓既啐酒而拜告旨之時也闕止也樂終  
曰闕必於此時樂闕者升堂而樂闕則嫌於兩君相見也  
卒爵而樂闕則嫌於獻公也故以是爲節與獻公亦以樂  
因實也賓於獻時樂未闕獻公若否則非尊君之義矣卒  
爵乃闕明此樂爲獻而奏也金氏鶚曰燕聘賓及庭而奏  
肆夏兩君相見則入大門卽奏肆夏此其異也且樂章亦  
殊禮謂燕他國大夫奏肆夏而左傳穆叔如晉金奏肆夏  
之三不拜以爲使臣不敢與聞蓋諸侯燕聘賓唯用肆夏  
一章而兩君相見及天子享諸侯乃得備三章故左傳不  
言肆夏而言三夏也外傳謂金奏肆夏繁遏渠肆夏其一  
繁遏其二渠其三以肆夏統之故曰肆夏之三猶文王大  
明縣三篇稱文王之三鹿鳴四牡皇皇者華稱鹿鳴之三



也又樂關亦有異記言賓拜酒主人荅拜而樂關是賓未卒爵也郊特牲言卒爵而樂關當兼賓主言蓋諸侯爲賓其禮宜隆故樂升歌鹿鳴下管新宮笙入三成新宮小雅逸篇也管關必待卒爵也之入三成疏正義曰敖氏曰歌鹿鳴之三也大射云三終謂三終也是也凡升歌皆歌三篇不止一篇而已歌者降而以管奏新宮亦三終大射儀曰大師及少師上工皆降立于鼓北羣工階于後乃管新宮三終足以明之矣舊說謂管如籥而小併兩而吹之三成謂奏南陔白華華黍也於歌與管但言篇名於笙言三成文互見也褚氏寅亮曰此見納賓以樂之異於常燕也常燕則工歌鹿鳴之三而笙奏南陔三詩此則升歌同而堂所奏之詩所用之器不同故別言之考周官笙師管笙等皆用其所掌則管奏亦屬笙師故笙入取下管之文管指器笙指職一也若謂管新宮後而始入則吹管者何人三成者何詩俱不可通周公時已有新宮其非斯干可知宋公享叔孫昭子賦新宮其有辭可知故注云小雅逸篇吳氏廷華曰或謂新宮乃宮之子聲以之奏南陔白華華黍也將終則和以笙而樂成江氏筠曰經言升歌者四而文有不同此經與鄉飲酒禮皆云鹿鳴四牡皇皇者華大射云乃歌鹿鳴三終此

記云升歌鹿鳴於此無注於大射則謂歌鹿鳴三終而不  
歌四牡皇皇者華敖氏於此云歌鹿鳴之什三篇篇各一終如春秋  
終是也於大射云謂歌鹿鳴之什三篇篇各一終如春秋  
傳所謂工歌鹿鳴之三是也鄉飲酒之禮歌鹿鳴四牡皇  
皇者華而其義曰工歌三終則益可見矣案敖正鄭之失  
明矣然鄭於大射與敖說異其於此記當與敖說同蓋其  
所以無注者以記所用之篇數與經不殊注已詳於經則  
於此不言可知也知鄭意如此者鄭謂大射不歌下二篇  
略於勞苦與諮事耳此無射事本於樂不略又鄭謂所燕  
爲卿大夫有王事之勞者而四牡皇皇者華一爲勞使臣  
之詩一爲遣使臣之詩鄭論用此二詩之義於四牡云采  
其勤苦王事念將父母懷歸傷悲忠孝之至以勞賓也於  
皇皇者華云采其更自勞苦自以爲不及欲諮謀于賢知  
而以自光明也則以用之於賓較諸經所燕之賓尤於事  
情爲切合有不三詩並用者乎此記視大射儀並少三終  
二字而鄭猶不得岐經記而言而反於彼爲異說則即鄭  
之於此足以正彼注之非又卽此記之文足以明彼文之  
義矣注云新宮小雅逸篇也者李氏如圭曰宋公享叔  
孫昭子賦新宮與此所笙奏或謂卽斯干之詩江氏筠曰  
樂賓有笙歌間合四節四節之外別有下管輕言下管者

二此記下管新宮大射乃管新宮三終是也此記樂共四  
節始升歌次下管次笙入次合樂疏則管笙爲一節云笙  
入三成者謂笙奏新宮三終申說下管之義也大射升歌  
後惟下管一節而別無笙入文注云笙從上而入吹蕩以  
播新宮之樂也敖氏謂管與新宮爲二於此云歌者降而  
以管奏新宮亦三終笙入三成者奏南陔白華華黍也於  
大射云文承大師少師降立之下明是降者管之春官大  
師少師職皆云登歌下管是也案敖說是也蓋大射乃管  
新宮上云大師少師上工皆降立于鼓北羣工陪于後考  
鄉射禮工之遷樂在司馬命張侯命倚旌後今何以司正  
猶未立而卽行遷樂于下是明爲管故而降堂早也其下  
云卒管大師及少師上工皆東堵之東南西而北上坐考  
鄉射禮工于降時卽就阼階之東南堂前三筭西面北上  
坐今何以先立而縣鼓北至卒管而後遷于東是明爲管  
故而就位遲也又既管後經不云獻注以爲略下樂通考  
全經凡工於就事訖無不得獻者此燕與鄉飲升歌獻工  
笙奏獻笙鄉射唯有合樂笙工竝爲亦俱有獻惟得獻訖  
而後就事者其於事訖之時則不復重獻故此燕與鄉飲  
閒合不獻然則卽經之不云獻而管者之卽爲大師益明  
矣蓋自來於下字俱以地言鄭意以此下管之下爲笙入

堂下之下案郊特性云歌者在土匏竹在下匏指笙竹指  
管義非無據然就此記文案之於歌言升於管言下於笙  
言入則所謂下者明是指人言之謂下堂而非  
堂下也又仲尼燕居云下而管象益可明矣  
遂合鄉樂  
鄉樂周南召南六  
疏正義曰李氏如圭曰不閒歌教氏曰  
篇言遂者不閒也  
不閒者或以樂已盛於上故於此殺  
之與獻時不奏肆夏則不下管乃有閒盛氏曰燕樂只四  
節謂歌笙閒合也此則有管而無閒亦取合四節之數與  
褚氏寅亮曰此無閒歌亦異  
若舞則勺  
勺頌篇告成大武  
常燕經云遂明不用閒之意  
之樂歌也其詩曰  
於鑠王師遵養時晦又曰實維爾公允師既  
疏正義曰校  
合鄉樂萬舞而奏之所以美王侯勸有功也  
勤記曰注  
大武武誤作舞  
張氏爾岐曰升歌不盡鹿鳴以下三篇  
而但歌鹿鳴下管不奏南陔白華華黍而管新宮不用閒  
歌笙入三終而遂合鄉樂又或為之舞而歌勺以為節皆  
與常燕異初既以樂納之及作正樂又有此異節以其有  
王事之勞故特異之也盛氏曰張說歌管之法與教異當  
以教為正  
注云勺頌篇告成大武之樂歌也者周頌酌  
篇序文鄭以勺即酌也云既合鄉樂萬舞而奏之者賈疏  
引宣八年公羊傳云萬者何干舞也謂秉干以奏勺詩也

盛氏曰內則十三舞勺成童舞象注先學勺後學象文武之次也疏家謂以其年尚幼故習文武之小舞然則勺蓋文舞之小者故燕禮得用之朱子詩集傳云萬者舞之總名武用干戚文用羽籥是舞勺當用羽籥疏引公羊傳以為千舞蓋非先儒以象為維清勺為酌皆周頌之篇而舞時歌以為節今亦相承解之然未見其必然也惟公

與賓有俎

主於燕其餘可以無俎

疏

正義曰校勘記曰惟徐本作唯單疏通解俱作惟案諸本惟唯

錯出不悉校注云主於燕其餘可以無俎者李氏如圭曰大射公卿皆有俎敖氏曰經文已明記復言之者嫌所與燕者或當有俎如異國之賓然也獻公曰臣敢奏爵以聽命授公釋此辭不敢必受之

疏

正義曰敖氏曰奏進也命謂君受與否之命注云授公釋此辭不敢必受之者賈疏云謂主人獻公賓賡解

于公雖非獻亦釋此辭也盛氏曰主人親授公爵故釋此辭二大夫及賓賡解皆真于薦南示不敢必君舉之意無庸釋此辭凡公所辭皆栗階栗蹙也謂越等也疏誤也疏氏曰凡公所辭辭拜下也栗階猶歷階凡升階兩足

而升其禮則然越等而上曰栗階下曰蹣階栗與歷聲相近郝氏曰凡公所辭辭拜下也栗階猶歷階凡升階兩足

竝一級更進曰拾一足一級曰歷張凡栗階不過二等其始

氏爾岐曰辭者辭其拜下命之升也正義曰賈疏云凡堂及階尊者

升猶聚足連步越二等疏正疏正義曰賈疏云凡堂及階尊者

左右足各一發而升堂疏高而多卑者庫而少案禮器云

天子之堂九尺諸侯七尺大夫五尺士三尺士冠禮降三

等受爵弁鄭注云降三等下至地則士三等階以此推之

則一尺爲一階大夫五尺五等階諸侯七尺七等階天子

九尺九等階可知今云凡栗階不過二等言凡則天子九

等已下至士三等皆有栗階之法栗階不過二等據上等

而言故鄭云其始升猶聚足連步也故曲禮云涉級聚足

連步以上鄭注云涉等聚足謂前足躡一等後足從之併  
連步謂足相隨不相過也此卽聚足也天子以下皆畱上  
等爲栗階左右足各一發而升堂其下無問多少皆連步  
礫記云主人之升降散等鄭注云散等栗階則栗階亦名  
散等凡升階之法有四等連步一也栗階二也歷階三也  
歷階謂從下至上皆越等無連步若禮檀弓云杜蕢入寢  
傳云趙盾辟靈公路階而走是也敖氏曰凡凡公所辭者  
也不過二等明雖急趨君命猶有節也二等階之上二等  
也以諸侯七等之階言之則至五等左右足乃各一發盡  
義豐王箋

階則復聚足然後升堂凌氏釋例曰凡升階皆連步唯公所辭則栗階考連步是升階常法猶之平敵相拜也栗階于君辭則然猶之再拜稽首也見諸禮經惟此二節平敵升階經不云連步者猶之平敵相拜不云頓首也若疏所云歷階越階皆禮經所無敖氏曰越等而上曰栗階下曰蹠階栗與歷聲相近竊謂歷階當卽是栗階疏不必強生分別若趙盾蹠階疑非行禮常法敖氏乃以下階當之似未可從蓋禮經降階無君辭之事也又禘記祭主人之升降散等執事者亦散等雖虞附亦然鄭注散等栗階此言練祥及虞附之祭考士虞禮升降本不散等以有兄弟之戚故鄭云略威儀也以栗階爲略與燕禮不同經義聞斯錄曰案注意將至堂二等乃栗階其下如天子堂九尺階九等則七等以下仍連步諸侯堂七尺階七等則五等以下仍連步故云左右足各一發而升堂也考古人升堂止二法曲禮拾級聚足連步以上注云涉等聚足謂前足躡一等後足從之併連步謂足相隨不相過也此尋常之法若急趨君命則栗階栗猶歷也左足升一等則右足升二等左足升三等則右足升四等足不相併閱歷而上故曰栗階但不得超越而過故曰不過凡公所酬旣拜請旅侍二等也疏謂升降有四種非也

臣

既拜謂自酌升拜時也擯者阼階下告於公還而階

疏

正義曰敖氏曰凡四舉旅之禮請請於擯者侍臣侍飲

之臣也其禮見大射儀注云既拜謂自酌升拜時也者

張氏爾岐曰賓受公虛爵自酌升拜公荅凡薦與羞者小

膳宰也

謂於卿大夫以下也上特言羞卿

疏

正義曰校勘

羞者通解無與字注小膳宰宰下徐本集釋通解俱有者

字案有者字與疏引注合注云謂於卿大夫以下也上

特言羞卿者小膳宰欲絕於賓羞賓者亦士者敖氏曰謂

於大夫以下者也上言羞卿者小膳宰者釋經文也此無

所釋故并薦言之文法宜然也然則經言羞膳羞卿之類

亦并薦言之明矣盛氏曰經云羞庶羞不言其人故記著

之凡凡公賓卿大夫也士以下無羞薦進也與猶以也或

曰衍文羞庶羞也謂以庶羞進者皆小膳宰也獻禮重故

薦脯醢者異之脫屣升坐以後禮益殺故薦庶羞者同之

觀此則經記中所謂羞膳羞卿者皆專指薦脯醢言之明

矣經於賓云膳宰薦脯醢于公云士薦脯醢記亦云羞膳

者士士尊於膳宰也於卿之薦經不言其人而記著之曰

後禮王義卷二



羞卿者小膳宰也小膳宰卑於膳宰也經於主人云胥薦

胥又卑於小膳宰也於大夫以下皆不言薦之主人記亦

不著之者以胥是最卑主人既用胥則薦在主人之後者

可知也薦脯醢者尊卑之差如此釋官曰上言羞卿者小

膳宰所以別于賓見羞賓與君者皆膳宰也此復言凡有

薦與羞者小膳宰又推而廣之見大夫以下與卿同也

內羞謂羞豆之實醢食糝食疏正義曰敖氏曰內羞即房

羞內羞同時進之實糝餠粉注云羞豆之實醢食糝食者周官醢

人羞人職所言羞豆羞簋之實為此文敖氏曰注以周官醢

人簋人職所言羞豆羞簋之實為此文內羞禮恐或然但未

必其皆用之也郝氏曰內羞自中饋女工出者外庖所煎

和曰庶羞盛氏曰周禮簋人醢人皆君與射則為下射袒

以奄及女奴為之此郝說之所本也君與射則為下射袒

朱孺樂律而后就物疏正義曰敖氏曰言與射則小臣

以巾授矢稍屬疏正義曰敖氏曰稍屬者稍與發

則授之郝氏曰稍屬四矢稍稍連屬不絕以授君也張氏

爾岐曰稍屬者發一矢復授一矢也盛氏曰稍猶漸也屬

則授之郝氏曰稍屬四矢稍稍連屬不絕以授君也張氏

爾岐曰稍屬者發一矢復授一矢也盛氏曰稍猶漸也屬

則授之郝氏曰稍屬四矢稍稍連屬不絕以授君也張氏

猶付也稍屬謂以四矢稍稍付公不并授也張說得之蓋  
以下記及大射儀考之公既發一矢必使人執弓以俟其  
耦耦亦一發而后公再發不以樂志疎正義曰敖氏  
則以爲接續而授者誤矣不以樂志疎正義曰敖氏  
通不以樂志者言其存發不以樂之節爲識而必欲應之  
也此亦優君也盛氏曰不以樂志者謂雖不與鼓節相應  
亦得釋算也凡射者不鼓不旣發則小臣受弓以授弓人  
釋而君獨否所以優之也旣發則小臣受弓以授弓人  
侯復發也不使疏正義曰敖氏曰受弓以授弓人蓋卒射  
大射正燕射輕疏之事也記於旣發言之未詳其或有脫  
文與郝氏曰凡射侯同耦揖降發畢弓猶在手惟君旣發  
小臣卽受弓以授弓人侯拾發以將乘矢此以弓人代大射  
旣發大射正受弓而侯拾發以將乘矢此以弓人代大射  
正之役故注云燕射輕也必由小臣授之者弓人疎且賤  
不敢親受之於君也然則其授弓也亦小臣受之於弓人  
以授弓與每發必使人執弓而侯亦君禮之異者也敖疑  
此有脫文非旣發發一矢也郝以爲發畢亦非釋官曰弓  
人注疏未詳其職以周禮膳人考之疑卽其官繕人職云  
掌王之用弓弩矢箛矰弋挾拾掌詔王射贊王弓矢之事  
注贊授之受之疏案大僕職已授之受之此又焉者大僕

尊大僕贊時此官助贊也諸侯以小臣當大僕之官此云  
既發則小臣受弓以授弓人故知弓人即周禮繕人考工

記有弓人爲弓不預射事與此別也上射退于物一筈既發則答君而俟

**疏**正義曰校勘記曰注答對徐本集釋俱有此注通解若

飲君燕則夾爵謂君在不勝之黨賓飲之**疏**正義曰賈疏

飲君先自飲及君飲訖又自飲爲夾爵胡氏肇晰曰鄉射

記云若飲君如燕則夾爵據注云賓飲之如燕膳觚則經

文燕上當君狂大夫射則肉袒不纁襦**疏**正義曰鄉射大

亦有如字君狂大夫射則肉袒不纁襦**疏**夫與士射則袒

纁襦此對君則肉袒若與四方之賓燕膳齊曰臣受賜矣臣

請贊執爵者受賜謂公卿者酬之至燕主人事賓之**疏**正

義曰注謂公卿者酌之校勘記曰卿諸本俱作鄉唯嚴鍾楊

氏與此同酌徐本集釋通解楊敖俱作酬案此本雖作饗

而仍載許亮反之音關係鄉字偶失校耳○敖氏曰賓謂

介爲賓者也執爵似指鄉之脰解者而言贊猶佐也盛氏

曰賓滕解于公之時則釋此辭也吳氏廷華曰不敢斥言  
滕解于公故謂贊執爵者蓋若執爵者滕公而賓贊之耳

注云至燕主人事實之禮殺者張氏爾岐相者對曰吾  
曰賓滕爵在坐燕之後故云事實之禮殺也

子無自辱焉辭之也對答也亦告  
疏正義曰敖氏曰此下

許之辭記不有房中之樂  
弦歌周南召南之詩而不用鐘磬之節也謂之房中者后夫人

備見之也之所諷誦以  
疏正義曰注弦歌校勘記曰絃徐本作弦與

事其君子樂燕樂之鐘磬詩云窈窕淑女鐘鼓樂之然則房中之樂

非無鐘磬也毛萇侯苞孫毓皆云有鐘磬是已鄭康成王  
肅謂弦歌周南召南而不用鐘磬蕭純云婦人尚柔以靜

為體不宜用鐘是不深考關雎磬師之過也賈公彥亦謂  
以祭祀則有鐘磬以燕則無鐘磬是以文先儒之過又從

而為之辭也唐禮書房中之樂不用鐘磬以十二大磬代  
之是不知一音不備不足以為樂也敖氏云奏之于房故

云房中之樂蓋別於堂上堂下之樂也郝氏曰房中之樂  
所謂綬樂也無鐘鼓而有管弦奏之房中詩云左執簧右

招我由房周禮春官旋人掌散樂賓客以舞其燕樂即房  
義禮上義卷十二燕二

中之樂也又曰席中之樂繫之末簡其非盡雅樂可知鄭  
必以二南當之亦非也張氏爾岐曰疏云承上文與四方  
之賓燕乃有之愚謂常燕有無算樂恐亦未必不有也盛  
氏曰鄭氏樵云古之達禮三一日燕二曰享三曰祀所謂  
吉凶軍賓嘉皆主此三者以成禮古之達樂三一日風二  
曰雅三曰頌所謂金石絲竹匏土革木皆主此三者以成  
樂禮樂相須以爲用禮非樂不行樂非禮不舉然則作樂  
以行禮舍風雅頌莫由也頌爲郊廟祭祀之樂歌大雅之  
體亦肅穆宏達諸侯以下用者鮮焉其上下通用者不過  
小雅鹿鳴南陔以下十二詩及二南耳詩云以雅以南以  
籥不僭非是則不免於僭也湛露彤弓亦屬小雅而諸侯  
歌以燕客猶取譏焉矧其他乎燕禮升歌笙閒以小雅合  
以二南若以樂納賓升歌管笙以小雅亦合以二南以是  
差之則房中之樂其爲二南無疑也程子曰二南之詩爲  
教于衽席之上閨門之內上下貴賤之所同也故用之鄉  
人用之邦國而謂之正風朱子亦謂周公制禮作樂采文  
王之世風化所及民俗之詩破之箴弦以爲房中之樂而  
又推之以及于鄉黨邦國所以著明先王風俗之盛而使  
天下後世之修身齊家治國平天下者皆得以取法焉其  
旨蓋深遠矣郝氏乃謂其非盡雅樂是以後世之黃帳外

樂疑聖人也何其陋哉至其用鐘磬與否則先儒之說各有異同今又後之數千載音樂久失傳將何以定其孰非而孰是然以義推之則康成王肅之論亦未可盡非也蓋古者樂縣之制必視其人以為之等是故天子諸侯鐘磬鎛俱有大夫以下無鎛諸侯之士又無鐘其卿大夫之有金石必待有功而後賜之誠以樂主乎散而地道尚靜故也后夫人之德尤以幽閒貞靜為主其於金石之樂似非所宜一也樂之設也各有其地歌者在上匏竹在下琴瑟在堂鐘鼓在庭皆一定之謂毋相亂也此樂奏之于房房非設縣之所二也梁書曰周備六代之樂至秦餘韶房中而已漢書亦云房中祠樂高祖唐山夫人所作也周有房中樂至秦名曰壽人孝惠二年使樂府令夏侯寬備其簫管更名曰安世樂然則漢之安世卽房中之遺響也史臣但云備其簫管而不及其他此亦無鐘磬之一證矣或謂安世房中歌有云高張四縣樂充宮廷何以知其無鐘磬邪曰安世樂蓋用之於禱祠此特序其祭祀之時張此樂縣耳非謂歌此詩者必奏此樂也且其言曰樂充宮庭則又可見其宮縣之在庭而不在房矣然則周禮所謂燕樂鄭卽以房中之樂釋之何邪曰燕樂有鐘磬有舞敎於磬師掌於旄人皆謂在庭之樂非房中也特是祭祀賓客之

傳元事  
時房中之弦歌既作則在庭之樂皆應之而舞者亦取節  
於是房猶合鄉樂之意也以其因燕而作故皆謂之燕樂  
燕之爲樂也既有在庭之樂又有房中之樂其羞也既有  
庭羞而又有內羞此可以見君之厚其臣者蓋有加而無  
已矣內羞與房中之樂皆不見於經而記著之以其爲禮  
樂之小者也且云有者見其出於君之加厚非常典也關  
雎之卒章曰鐘鼓樂之者詩人以既得淑女而狀其懽欣  
和悅之意耳先儒以朝廷贊見之際釋之是已若援以爲  
房中之樂之證則出於傳會而陳氏取之過矣  
唐人采蕭統之說去鐘而用磬亦一偏之見也